

萬 有 文 庫

第 二 集 七 百 種

王 雲 五 主 編

廣 羣 芳 譜

(三 十 二)

清 聖 祖 敕 撰

商 務 印 書 館 發 行

廣 羣 芳 譜

(三十二)

清聖祖敕撰

國 學 基 本 叢 書

廣羣芳譜卷第九十七

藥譜

大黃

【圖】本草綱目大黃一名黃良。一名將軍。一名火參。一名膚如。陶弘景曰大黃其色也。將軍之號當取其駿快也。吳普曰生蜀郡北郡。或隴西。二月卷生。黃赤。其葉四面相當。莖高三尺許。三月花黃。五月實黑。八月采根。根有黃汁。蘇恭曰。葉子莖並似羊躑。但莖高六七尺而脆。味酸。堪生啖。葉麤長而厚。根紅者亦似宿羊躑。大者如盃。長二尺。出宕州涼州西羌蜀地者皆佳。幽并以北者漸細。氣力不及蜀中者。蘇頌曰。今蜀州河東陝西州郡皆有之。以蜀川錦文者佳。其次秦隴來者。謂之土番大黃。正月內。生青葉似蓖麻。大者如扇。根如芋。大者如盃。細根如牛蒡。小者亦如芋。四月開黃花。亦有青紅似蕎麥花者。莖青紫色。形如竹。二八月采根。去黑皮。切作橫片。火乾。蜀大黃乃作緊片如牛舌形。謂之牛舌大黃。二者功用相等。江淮出者曰土大黃。二月開花結細實。李時珍曰。宋祁益部方物略記云。大黃蜀大山中多有之。藥市所見。大者治之爲枕。紫地錦文。今人以莊浪出者爲最。莊浪卽古涇原隴西地也。氣味苦寒無毒。下瘀血。破癥瘕積聚。留飲宿食。蕩滌腸胃。推陳致新。通利水穀。調中化食。安和五臟。宣通一切氣。

【贊】宋宋祁大黃贊葉大莖赤根若巨皿治疾則多方家所詔

【七言絕句】宋范成大大黃花大芋高荷半畝陰玉英危綴碧瑤簪誰知一葉蓮花面中有將軍劍

戟心

【炮炙論】凡使細切以文如水旋斑緊重者剉片蒸之從已至未曬乾又曬臘水蒸之從未至亥如此凡七次曬乾却灑淡蜜水再蒸一伏時其大黃必如烏膏樣乃曬乾用

商陸

原商陸一名萆薢音逐一名馬尾一名當陸爾雅云萆薢馬尾注云廣雅曰馬尾商陸本一名章柳本草綱目

云商陸北音訛為章柳兼明書云一名章陸一名烏樵一名六甲父母一名白昌一名夜呼所在有之人家園圃亦種為蔬春生苗高三四

尺青葉如牛舌而長莖青赤至柔脆夏秋開紅紫花作朶根如蘿蔔而長八九月採氣味辛平有毒通大小腸瀉十種水病及蠱毒墮胎協腫毒傳惡瘡殺鬼精物

【易】萆陸夫夫【注】萆陸草之柔脆者也【疏】子夏傳云萆陸木根草莖剛上柔下也馬融鄭玄

王肅皆云萆陸一名商陸皆以萆陸為一董遇云萆人萆也陸商陸也以萆陸為二【金門歲節】裴度除夜歎老迨曉不寐爐中商陸火凡數添也

【炮炙論】取白花者根銅刀刮去皮薄切以東流水浸兩宿漉出架甑蒸以黑豆葉一重商陸一

重。如此蒸之。從午至亥取出。去豆葉。暴乾。剉用。無豆葉。以豆代之。【本草綱目】取白根及紫色者。擘破作畦栽之。亦可種子。根苗莖並可洗蒸食。或用灰汁煮過亦良。其赤與黃色者有毒。不可食。

狼毒

【開寶本草】狼毒葉似商陸。及大黃莖葉。上有毛。根皮黃肉白。以實重者爲良。輕者爲力劣。氣味辛平。有大毒。治欬逆上氣。破積聚。飲食寒熱。水氣惡瘡。鼠瘻疽。蝕鬼精蠱毒。殺飛鳥走獸。【抱朴子】合野葛納耳中。治聾。

防葵

【本草綱目】防葵一名房苑。一名黎蓋。一名利茹。吳普本草又名爵離。方蓋農吳蘇恭曰。根葉似葵。花子根香味似防風。故名防葵。蘇頌曰。出襄陽地。其葉似葵。每莖三葉一本。十數莖中發一幹。其端開花。如蔥花。景天輩而色白。六月開花。卽結實。根似防風。香味亦如之。依時采者乃沉水。今乃用枯朽狼毒當之。極謬。氣味辛寒無毒。治疔瘕腸洩。膀胱熱結。欬逆。濕瘡。癩癩驚邪。狂走。鬼瘡。百邪。

狼牙

【本草綱目】狼牙一名牙子。一名狼齒。一名狼子。一名犬牙。一名抱牙。一名支蘭。陶弘景曰。其牙似獸之齒。牙故有諸名。韓保昇曰。所在有之。苗似蛇莓而厚大。深綠色。根黑。若獸之牙。三月八月采。根日乾。氣味苦寒有毒。治邪。

氣熱氣疥癩惡瘍瘡痔去白蟲

藺茹

【本草綱目】藺茹一名離婁一名掘据藺茹本作離婁其根牽引之貌掘据當作拮据拮据手口共作之狀也蘇頌曰河陽淄齊州皆有之二月生苗葉似大戟而花黃色根如蘿蔔皮赤黃肉白斷時汁出凝黑如漆三月開淺紅花亦淡黃色不著子又一種草藺茹色白李時珍曰范子計然云蘆茹出武都黃色者善草藺茹出建康白色今亦處處有之生山原中春初生苗高二三尺根長大如蘿蔔蔓菁狀或有歧出者皮黃赤肉白色破之有黃漿汁莖葉如大戟而葉長微濶不甚尖折之有白汁抱莖有短葉相對團而出尖葉中出莖莖中分二二三小枝二三月開細紫花結實如豆大一顆三粒相合生青熟黑中有白仁如續隨子狀氣味辛寒有小毒治蝕惡肉收瘡死肌殺疥蟲排膿惡血除大風熱氣善忘不寐破癥瘕除息肉

大戟

【爾雅】蕃叩鉅【注】今藥草大戟也【本草綱目】大戟一名下馬仙其根辛苦戩人咽喉故名大戟今俚人呼爲下馬仙言利人甚

也蘇頌曰近道多有之春生紅芽漸長叢高一尺以來葉似初生楊柳小團三月四月開黃紫花團圓似杏花又似蕪荑根似細苦參秋冬采根陰乾淮甸出者莖圓高三四尺葉黃莖至心亦如百合苗江南生者葉似芍藥李時珍曰大戟生平澤甚多直莖高二三尺中空折之有白漿葉長狹如柳葉而不團其梢

葉密攢而上。杭州紫大戟爲上。江南土大戟次之。北方綿大戟色白。其根皮柔韌如綿。甚峻利能傷人。弱者服之。或至吐血。氣味苦寒。有小毒。治蠱毒。十二水腹滿。急痛積聚。中風。皮膚疼痛。吐逆。瀉毒藥。泄天行黃病溫瘧。破癥結。下惡血。治隱癰。

澤漆

【本草綱目】澤漆一名漆莖。一名貓兒眼睛草。一名綠葉綠花草。一名五鳳草。考土宿本草及寶藏論云。江湖原澤平陸多有之。春生苗一科。分枝成叢。柔莖如馬齒莧。綠葉如苜蓿葉。葉圓而黃綠。頗似貓睛。故名貓兒眼。莖頭凡五葉中分。中抽小莖五枝。每枝開細花。青綠色。復有小葉承之。齊整如一。故又名五鳳草。綠葉綠花草。搯莖有白汁黏人。其根白色。有硬骨。或以此爲大戟苗者。誤也。氣味苦。微寒無毒。治皮膚熱。利水消腫。丈夫陰氣不足。利大小腸。解蠱毒。止瘧疾。消痰退熱。

甘遂

【本草綱目】甘遂一名甘藪。一名陵藪。一名陵澤。一名甘澤。一名重澤。一名苦澤。一名白澤。一名主田。一名鬼醜。蘇頌曰。陝西江東有之。苗似澤漆。莖短小。而葉有汁。根皮赤。肉白。作連珠。大如指頭。氣味苦寒。有毒。治疝瘕。腹滿浮腫。留飲宿食。破癥堅積聚。痰迷癲癩。噎膈痞塞。利水穀道。瀉十二種水疾。

續隨子

【圖】本草綱目續隨子一名千金子。一名千兩金。一名菩薩豆。一名拒冬。一名聯步。蘇頌曰：葉中出葉數月始長，故名拒冬。馬志曰：生蜀郡，處處亦有之。苗如大戟。蘇頌曰：今南中多有。北土產少。苗如大戟。初生一莖，莖端生葉，葉中復出葉，花亦類大戟。自葉中抽榦而生，實青有殼。人家園亭中多種以爲飾。秋種冬長，春秀秋實。李時珍曰：莖中亦有白汁，可結水銀。子去殼取色白者，以紙包壓去油取霜用，氣味辛溫有毒，治瘰癧、瘰癧、疥癬、除蠱毒、鬼疰、心腹痛、冷氣脹滿、利大小腸、下惡滯物、宜一切宿滯、治肺氣水氣、塗疥癬瘡。

萑若

【圖】本草綱目萑若一名天仙子。一名橫唐。一名行唐。萑若一作蘭蕪，其子服之，令人狂，狼狽放宕，故名。蘇頌曰：處處有之。苗莖高二三尺，葉似地黃，王不留行、紅藍等，而濶如三指。四月開花，紫色。莖莢有白毛。五月結實，有殼作罌子狀。如小石榴。房中子至細，青白色。如粟米粒。氣味苦寒有毒，治齒痛出蟲、肉瘡拘急、久服輕身，使人健行走。及奔馬，強志益力，通神見鬼，多食令人狂走。以甘草汁解之。療癩狂風癩，顛倒拘攣，安心定志，聰明耳目。除邪逐風，根氣味苦辛有毒，治邪瘧疥癬，殺蟲。

雲實

【圖】本草綱目雲實一名員實。一名雲英。一名天豆。一名馬豆。一名羊石子。苗名草雲母。一名臭草。一名黏刺。員亦音雲，其義未詳。豆以子形名。羊石當作羊矢，其子肖之故也。蘇恭曰：大如黍及大麻子等。黃黑似豆，叢生澤旁，高五六尺，葉如

細槐亦如苜蓿。枝間有微刺。韓保昇曰。所在平澤有之。葉似細槐。花黃白色。其莢如豆。其實青黃色。大若麻子。五月六月采實。李時珍曰。此草山原甚多。俗名枯刺。赤莖。中空有刺。高者如蔓。其葉如槐。三月開黃花。纍然滿枝。莢長三寸許。狀如肥皂莢。內有子五六粒。正如鵲豆。兩頭微尖。有黃黑斑紋。厚殼白仁。咬之極堅。重有腥氣。氣味辛溫無毒。治泄痢腸癖。殺蟲蠱毒。去邪惡結氣。止痛除寒熱。消渴治瘡。花治見鬼精。多食令人狂走。根治骨哽及咽喉痛。研汁嚥之。

蓖麻

圓蓖麻。蘇頌曰。葉似大麻子。形宛如牛蟬。故名。李時珍處處有之。夏生苗。莖中空有節。色或赤或白。葉如瓠葉。凡五尖。夏秋間。極中抽出花穗。纍纍黃色。每枝結實數十顆。上有軟刺如蠟毛。一顆三四子。熟時破殼。子大如豆皮。有白黑紋。亦有白紫紋者。形微長而未圓。頭上小白點。遠視之儼如牛蟬。皮中有仁。色嬌白。甘辛平。有小毒。氣味頗近巴豆。善走。能利人。通諸竅。經絡。下水氣。治偏風。失音。口禁。口目喎邪。頭風七竅諸病。止諸痛。消腫。追膿拔毒。催生下胞衣。下有形諸物。無刺者良。有刺者毒。此藥外用有奇功。但內服不可輕易。凡服蓖麻。終身不得食炒豆。犯之脹死。其油服丹砂粉霜。或言搗膏以筋點六畜舌根下。卽不能食。點肛內。卽下血死。今北方人種之田邊。牛馬過者不食。其毒可知。

【七言絕句】明陳憲章種蓖麻六首
山渠面面擁蓖麻。鎖盡春風一院花。
江上行人迷指顧。老

夫於此煉丹砂。短檠他夜照書牀。一觥苧麻也借光。老去圖書收拾盡。只憑香几對羲皇。紅朶青條擺弄同。人間無地不春風。莫輕此輩苧麻子。也在先生藥圃中。苧麻得雨綠成畦。如此風光亦老黎。飲後小庵搜句坐。山禽嘯近竹門西。苧麻繞竹徑通雲。雲裏樵歌隔竹聞。手把長鑱種春雨。風光吾與老黎分。種了苧麻合種瓜。青山周折兩三家。老夫來構茅茨畢。別種秋風一徑花。

附錄 博落廻

圓博落廻生江南山谷。莖葉如苧麻。莖空。吹之作聲。折之有黃汁。大毒不可入口。藥人立死。治惡瘡癰瘤。瘰肉瘡癩。白癩風。此藥和百丈青雞桑灰等分爲末。傅之。蠱毒精魅。當別有法。

附錄 黑天赤利子

圓黑天赤利子似苧麻。緣在地蔓。上是顆。兩頭尖有毒。

常山

【本草綱目】常山一名恒山。一名互草。一名雞屎草。一名鴨屎草。一名蜀漆。乃北岳名。在今定州常山。

乃郡名。亦今真定。豈此藥始產于此。陶弘景曰。出宜都建平。細實黃者。呼爲雞骨常山。用之最勝。蘇恭曰。得名歟。蜀漆乃常山苗。功用相同。

生山谷間。莖圓有節。高者不過三四尺。葉似茗而狹長。兩兩相當。二月生白花青萼。五月結實青圓。三子爲房。其草暴燥。色青白。堪用。若陰乾便黑爛鬱壞矣。蘇頌曰。今汴西淮浙湖南州郡亦有之。而海州出者。

葉似楸葉。八月有花。紅白色。子碧色。似山楝子而小。今天台山出一種草。名土常山。苗葉極甘。人用爲飲。甘味如蜜。又名蜜香草。性涼益人。非此常山也。氣味苦寒。有毒。治傷寒寒熱。熱發溫瘧。鬼毒。胸中痰結。吐逆。療鬼蠱。水脹。鼠瘻。癰瘻。蜀漆氣味辛平有毒。截瘧。治欬逆。寒熱。癥痞。積聚。邪氣蠱毒。鬼疰。破血。劫痰。

附錄【炮炙論】采時連根苗收。如用莖葉。臨時去根。以甘草細剉。同水拌濕蒸之。臨時去甘草。取蜀漆細剉。又拌甘草水勻。蒸日乾用。凡用根以酒浸一宿。漉出日乾熬搗用。

附錄 杜莖山

【圖經本草】杜莖山莖高四五尺。葉似苦蕒菜。秋有花。冬作實。如枸杞子大而白。葉味苦寒。主溫瘴寒熱。作止不定。煩渴。頭痛。心燥。杵爛新酒浸。絞汁服。吐出惡涎甚效。

附錄 土紅山

【圖經本草】土紅山生南恩州山野中。大者高七八尺。葉似枇杷而小無毛。秋生白花。如粟粒。不實。福州生者作細藤。似芙蓉葉。其葉上青下白。根如葛頭。土人取根。米泔浸一宿。以清水再浸一宿。炒黃爲末。生薑煎服。治勞瘴甚效。葉味甘。微寒無毒。治骨節疼痛。勞熱瘴瘧。

藜蘆

【本草綱目】藜蘆一名山蔥。一名蔥苒。一名蔥葢。一名蔥葵。一名豐蘆。一名葱蔥。一名鹿蔥。黑色曰藜。其蘆有黑

皮囊之故名。根際似藍，俗名蔥管藜蘆。蘇頌曰：陝西山南東西州郡皆有之。遼州均州解州者尤佳。三月是矣。北人謂之蔥蔥，南人謂之鹿蔥。生苗葉似初出椶，心又似車前。莖似蔥，白青紫色，高五六寸，上有黑皮裹莖似椶皮，有花肉紅色。根似馬腸，根長四五寸許，黃白色。二月三月采根陰乾。此有二種：一種水藜蘆，莖葉大同，只是生在近水溪澗石上，根鬚百餘莖，不中藥用。今用者名蔥白藜蘆，根鬚甚少，只是三二十莖。生高山者爲佳。均州土俗亦呼爲鹿蔥，氣味辛寒有毒，治蠱毒，欬逆，洩痢，腸癖，頭瘍，疥癩惡瘡，殺諸蟲毒，去死肌，療噦逆，喉痺，鼻中息肉，吐上膈風涎，暗風癩病，小兒鰕鮑痰疾，末治馬疥癬。

附錄 山慈石

【名醫別錄】山慈石生山之陽，正月生，葉如藜蘆，莖有衣，一名爰苳，氣味苦平無毒，主女子帶下。

附錄 參果根

【名醫別錄】參果根生百餘根，根有衣裹莖，三月三日采根，一名百連，一名烏蓼，一名鼠莖，一名鹿蒲，味苦有毒，治鼠瘦。

附錄 馬腸根

【圖經本草】馬腸根生秦州，葉似桑，三月采葉，五月六月采根，苦辛寒有毒，治蠱，除風，療瘡疥。

水藜蘆

【本草綱目】水藜蘆一名黃藜蘆。一名鹿驪。鹿驪俚人呼爲黃藜蘆。小樹也。葉如櫻桃葉。狹而長。多皺紋。四月開細黃花。五月結小長子。如小豆大。氣味苦。辛溫有毒。治疥癬。殺蟲。

附子

【廣雅】藟。藟毒附子也。一歲爲薊子。二歲爲烏喙。三歲爲附子。四歲爲烏頭。五歲爲天雄。【本草綱目】正者爲烏頭。多岐者爲烏喙。細長三四寸者爲天雄。根旁如芋散生者爲附子。旁連生者爲側子。五物同出而異名。蘇頌曰。五者今並出蜀土。苗高三四尺。莖作四稜。葉如艾。其花紫碧。色作穗。其實細小如桑椹狀。黑色。本只種附子一物。成熟後乃有四物。以長二三寸爲天雄。割削附子旁尖角爲側子。附子之絕小者亦名側子。元種者爲烏頭。其餘大小者皆爲附子。以八角者爲上。李時珍曰。烏頭有兩種。出彰明者卽附子之母。今人謂之川烏頭。春末生子。故春采爲烏頭。冬則生子已成。故冬采爲附子。其天雄烏喙側子。皆是生子多者。因象命名。附子氣味辛溫。有大毒。治風寒。欬逆。邪氣。寒濕。踈痺。拘攣。破癥。堅積。聚血。痕。金瘡。腰脊風寒。心腹冷痛。霍亂。溫中。暖脾胃。除脾濕。腎寒。補下焦。陽虛。除臟腑沉寒。三陽厥逆。治三陰傷寒。中風。痰厥。氣厥。柔痙。癲癩。暴瀉。脫陽。久痢。寒瘧。瘴氣。久病嘔噦。反胃。噎膈。烏頭助陽退陰。功同附子而稍緩。

【詩大雅】葶茶如飴。【國語】實葶於肉。【注】賈逵曰。葶。烏頭也。【淮南子】天下之物。莫凶於

雞毒然而良醫橐而藏之有所用也。【注】雞毒烏頭也。【博物志】烏頭天雄附子一物。春秋冬夏採各異也。【明皇十七事】玄宗好神仙。往往詔郡國徵奇士。有張果者。所爲變怪不測。上謂力士曰。吾聞奇士至人。外物不能敗其中。試飲以葷汁。不死者乃奇士也。會天寒甚。乃使以汁進果。果遂飲盡二卮。醇然如醉者。顧曰。非佳酒也。【藥譜】川烏頭別名昌明童子。【瑣碎錄】滑臺風土極寒。民啖附子如啖芋栗。【益部方物略記】陶弘景以天雄烏頭附子皆出建平。謂之三建。【癸辛雜識】三建湯用附子川烏天雄。而莫曉其命名之義。因觀謝靈運山居賦曰。三建異形而同出。蓋三物皆一種類。是知古藥命名皆有所本祖也。【明會典】四川成都府歲貢天雄二十對。附子五十對。烏頭五十對。漏藍二十斤。

【真德】記。宋楊天惠彰明附子記。蘇州故廣漢地。領縣八。惟彰明出附子。彰明領鄉二十。惟赤水廉水會昌昌明宜附子。總四鄉之地。爲田五百二十頃。有奇。然稅稻之田五。菽粟之田三。而附子之田止居其二焉。合四鄉之產。得附子一十六萬觔已上。然赤水爲多。廉水次之。而會昌昌明所出微甚。凡上農夫歲以善田代處。前期輒空田一再耕之。蒔蕎麥若巢糜其中。比苗稍壯。并根葉耨覆土。下後耕如初。乃布種。每畝用牛十耦。用糞五十斛。七寸爲壟。五寸爲符。終畝爲符。二十爲壟。千二百壟從無衡。深亦如之。又以其餘爲溝爲涂。春陽憤盈。丁壯畢出。疏整符壟。以需風雨。雨過輒振拂而駢持之。旣又挽草爲援。以御短日。其用工力。比他田十倍。然其歲獲亦倍稱成之。凡四鄉度用種千斛以上。出龍安及龍州齊歸木閣。

青槌小平者良。其播種以冬盡十一月止。采擷以秋冬九月止。其莖類野艾而澤。其葉類地麻而厚。其花紫葉黃。蕤長苞而圓。其蓋其實之美惡。視功之勤窳。以故富室之人常美。貧者雖接眇或不盡然。又有七月采者。謂之旱水。拳縮而小。蓋附子之未成者。然此物謂畏惡猥多不能常熟。或種美而苗不茂。或苗秀而不充。或以釀而腐。或以暴而變。若有物焉。陰爲之。故園人將采。常禱於神。或目爲藥妖云。其釀法用醢。安密室。淹覆彌月。乃發。以時暴涼。久乾定。方出釀時。其大有如拳者。已定不輒盈握。故及兩者極難得。蓋附子之品有七。實本同而未異。其初種之小者。爲烏頭。附烏頭。而傍生者爲附子。又左右附而偶生者。爲鬲子。又附而長者爲天雄。又附而尖者爲天錐。又附而上者爲側子。又附而散者爲漏藍子。皆脉絡連貫。如子附母。而附子以貴故。獨專附名。自餘不得與焉。凡種一而子六七以上。則其實皆小。種一而子二三。則其實稍大。種一而子特生。則其實特大。此其凡也。附子之形。以蹲坐正節角少爲上。有節多鼠乳者。次之。形不正而傷缺。風皺者爲下。附子之色。以花白爲上。鐵色次之。青綠爲下。天雄烏頭天錐。以豐實盈握爲勝。而漏藍側子。園人以乞役夫。不足數也。大率蜀人餌附子者少。惟陝輔閩潮宜之。陝輔之賈纔市。其下者。閩潮之賈纔市。其中者。其上品皆上大夫求之。蓋貴人金多喜奇。故非得大者不厭。然土人有知藥者。云小者固難用。要知半兩以上皆良。不必及兩乃可。此言近之。按本經及志。載附子出犍爲山谷。及在山南嵩高齊魯間。以今考之。皆無有誤矣。又曰。春採爲烏頭。冬採爲附子。大謬。又云。附子八角者良。其

角爲側子。愈大謬。與余所聞絕異。豈所謂盡信書則不如無書者類耶。

【贊】宋宋祁附子贊附堇而生。翠莖紫蕤。生蜀者良。三建則非。

【七言絕句】宋林景熙越州陶山附子岡洞霞疑接台峰近。石棧空歌蜀道難。一種靈苗人不識。半山霜露夜痕乾。

【本草綱目】韓保昇曰。附子烏頭天雄側子烏喙。采得以生熟湯浸半日。勿令滅氣。出以白灰裹之。數易使乾。又法以米粥及糟麴等淹之。並不及煎法。蘇頌曰。五物收時。一處造釀。其法先於六月內造大小麴。未采前半月。用大麥煮成粥。以麴造醋。候熟去糟。其醋不用大酸。酸則以水解之。將附子去根鬚。於新瓮內淹七日。日攪一徧。撈出以疎篩攤之。令生白衣。乃向慢風日中曬之。百日。以透乾爲度。若猛日則皺而皮不附肉。陶弘景曰。凡用附子烏頭天雄。皆熱灰微炮。令拆勿過焦。惟薑附湯生用之。俗方每用附子。須甘草人參生薑相配者。正制其毒故也。雷斅曰。凡使烏頭。宜文武火中炮。令皺拆。擘破用。若用附子。須底平有九角如鐵色。一箇重一兩者。卽是氣全。勿用雜木火。只以柳木灰火中炮。令皺拆。以刀刮去上孕子。并去底火。擘破於屋下平地上掘一土坑安之。一宿取出。焙乾用。若陰制者。生去皮尖底薄切。以東流水并黑豆浸五日夜。漉出。日中曝用。朱震亨曰。凡烏附天雄。須用童子小便浸透。煮過。以殺其毒。并助下行之力。入鹽少許尤好。或以小便浸二七日。揀去壞者。以竹刀每箇切作四片。并水淘淨。逐日

換水再浸七日曬乾用李時珍曰附子生用則發散熟用則峻補生用者須如陰制之法去皮臍入藥熟用者以水浸過炮令發拆去皮臍乘熟切片再炒令內外俱黃去火毒入藥又法每一箇用甘草二錢鹽水薑汁童便各半盞同煮熟出火毒一夜用之則毒去也

烏頭

【爾雅】芫董草【注】即烏頭也江東呼爲董【本草綱目】烏頭一名烏喙一名草烏頭按藥譜別一名小昌明

名土附子一名奚毒一名耿子一名毒公一名金鴉苗名萇一名獨白草一名鴛鴦菊汁煎名射罔此即烏頭

之野生于他處者俗謂之草烏頭亦曰竹節烏頭出江北者曰淮烏頭日華子所謂土附子者是也烏喙即偶生兩岐者今俗呼爲兩頭尖因形而名其實乃一物也附子天雄之偶生兩岐者亦謂之烏喙非此烏頭也草烏頭取汁曬爲毒藥射禽獸故有射罔之稱吳普曰正月始生葉厚莖方中空葉四四相當與蒿相似陶弘景曰今采用

四月亦以八月采搗莖汁煎爲射罔獵人以傅箭射禽獸十步即倒中人亦死宜速解之李時珍曰處處有之根苗實並與川烏頭相同但此係野生又無釀造之法其根外黑內白皺而枯燥爲異爾然毒則甚焉氣味辛溫治中風除寒濕痺欬逆上氣破積聚寒熱消冷痰痲癩治頭風喉痺癰腫疔毒乃至毒之藥非風頑急疾不可輕投

白附子

【本草綱目】白附子因與附子相似故實非附子類也蘇恭曰本出高麗今出涼州以西生砂磧下濕地獨莖似鼠尾

草細葉周匝。生於穗間。根形似天雄。李珣曰。徐表南州異物記云。生東海新羅國。及遼東。苗與子相似。李時珍曰。根正如草烏頭之小者。長寸許。乾者皺紋有節。氣味辛甘。大溫有小毒。治心痛。血痺。行藥勢。中風失音。一切冷風氣。面癩癩。

【本草綱目】天南星一名虎掌。一名虎膏。一名鬼菟蕪。蘇頌曰。天南星即虎掌。小者名由跋。李時珍曰。天南星因根圓白如老人星。狀故。蘇頌曰。虎掌河北州郡有之。初生根如豆大。漸長大似半夏而扁。年久者根圓及寸。大者如雞卵。周匝生圓牙三四枚。或五六枚。三四月生苗。高尺餘。獨莖。上有葉如爪五六出。分布尖而圓。一窠生七八莖。時出一莖作穗直上。如鼠尾。中生一葉如匙。裹莖作房。旁開一口。上下尖。中有花。微青褐色。結實如麻子。大熟即白色。自落布地。一子生一窠。九月苗殘取根。又曰天南星處處平澤有之。二月生苗似荷梗。其莖高一尺以來。葉如菟蕪。兩枝相抱。五月花似蛇頭黃色。七月結子作穗似石榴子。紅色。二月八月采根似芋而圓扁。氣味苦溫。有大毒。治心痛。寒熱。結氣積聚。伏梁傷筋。痿拘緩。利水道。除陰下濕風眩。疝瘕。傷寒時疾。中風麻痺。除痰下氣。利胸膈。攻堅積。消癰腫。傅金瘡疥癬。蛇蟲咬傷。

天南星

【西陽雜俎】藥草異號章。陽羽白附子也。

【圖經本草】藥譜】天南星別名半夏精。【文房寶飾】以竹梢甘露和天南星漬紙一宿裁之刀去如飛

附錄 虎掌草

【圖經本草】江州一種草。葉大如掌。面青背紫。四畔有牙如虎掌。生三四葉為一本。冬青。不結花實。治心疼寒熱積氣。

蒟蒻

【圖經本草綱目】蒟蒻一名蒟頭。一名鬼芋。出蜀中。施州亦有之。呼為鬼頭。閩中人亦種之。宜樹陰下掘坑積糞。春時生苗。至五月移之。長一二尺。與南星苗相似。但多斑點。宿根亦自生苗。經二年者。根大如椀及芋魁。其外理白。味亦麻人。秋後采根。須淨擦。或搗或片段。以礮灰汁煮十餘沸。以水淘洗。換水更煮五六遍。即成凍子。切片以苦酒五味淹食。不以灰汁。則不成也。切作細絲。沸湯灼過。五味調食。狀如水母絲。馬志言其苗似半夏。楊慎丹鉛錄言蒟蒻即此者。皆誤也。氣味辛寒有毒。磨傳癰腫風毒。製食主消渴。

附錄 菩薩草

【圖經本草】菩薩草生江浙州郡。凌冬不凋。秋冬有花。直出赤子如蒟頭。冬月采根用。味苦無毒。酒研服。治諸毒。搗傳諸蟲傷。婦人妊娠。欬嗽。蜜丸服。

半夏

圓半夏一名水玉。一名守田。一名地文。本草綱目云：禮記月令五月半夏生，蓋當夏之半也，故名。守田會意，水玉象形也。一名和姑。在處有之。齊州者爲良。二月生苗，一莖三葉，淺綠色，頗似竹葉。三三相偶而生。江南者似芍藥，白花圓上，生平澤者甚小。名羊眼半夏。圓白爲勝。五月採則虛小。八月乃實大。陳久更佳。氣味辛平，有毒，生微寒，令人吐，熟溫，令人下。射干柴胡爲之使。忌羊血海藻飴糖。惡阜角。畏雄黃秦皮龜甲。反烏頭。消痰熱，滿結，欬嗽，上氣，心下急痛，時氣嘔逆，除腹脹，目不得瞑。

【五言古詩】宋孔平仲常父寄半夏齊州多半夏採自鵲山陽疊疊圓且白千里遠寄將新婦初解包諸子喜若狂皆云已法製無滑可以嘗大兒強占據端坐斥四旁次女出其腋一攫已半亡小兒作蟹行乳媪代與攘分頭各咀嚼方愛有所志須臾被辛螫棄餘不復藏競以手捫舌啼噪滿中堂父至笑且驚亟使啖以薑中宵方稍定久此燈燭光大鈞播萬物不擇窳與良虎掌出深谷鳶頭蔽高岡春草善殺魚野葛挽人腸各以類自蕃敢問孰主張水玉名雖佳神農錄之方其外則皎潔其中慕堅剛柰何蘊毒性入口有所傷老兄好服食似此亦可防急難我輩事感惕成此章

【七言絕句】唐王建寄劉蕡問疾年少病多應爲酒誰家將息過今春除來半夏重薰盡投著山中舊主人

【修治】洗去皮垢以湯泡浸七日逐日換湯曬乾切片薑汁拌焙入藥或研爲末以薑汁入湯浸

礬湯和作餅。楮葉包置籃中。待生黃衣。日乾用。謂之半夏麴。白飛霞醫通云。痰分之病。半夏爲主造。而爲麴尤佳。治濕痰。以薑汁白礬湯和之。治風痰。以薑汁及阜莢煮汁和之。治火痰。以薑汁竹瀝或荆瀝和之。治寒痰。以薑汁礬湯入白芥子末和之。此皆造麴妙法也。【辨訛】江南半夏大乃徑寸。葉似芍藥。根下相重。上大下小。皮黃肉白。南人特重之。用之始知其異。此乃由跋類半夏而苗不同。誤以爲半夏也。白傍薺子絕似半夏。但咀之微酸。不堪入藥。

蚤休

【本草綱目】蚤休一名蚩休。一名螫休。一名紫河車。一名重臺。一名重樓。金線。一名三層草。一名七葉一枝花。一名草甘遂。一名白甘遂。蟲蛇之毒。得此治之。卽休。故有蚤休。螫休。諸名。重臺三層。因其葉狀也。金線重樓。因其花狀也。甘遂。因其根狀也。紫河車。因其功用也。處處有之。生于深山陰濕之地。一莖獨上。莖當葉心。葉綠色。似芍藥。凡二三層。每一層七葉。莖頭夏月開花。一花七瓣。有金絲蕊。長三四寸。王屋山產者。至五七層。根如鬼臼蒼朮狀。外紫中白。有黏糯二種。外丹家采制。三黃砂汞入藥。洗切焙用。俗諺云。七葉一枝花。深山是我家。癰疽如遇者。一似手拈拏。是也。氣味苦微寒有毒。治驚癇。搖頭弄舌。熱氣在腹中。癩疾癰瘡。除蝕下三蟲。去蛇毒。治胎風。手足搖。能吐泄癰癩。去瘡疾寒熱。

【五言古詩】范宋成大紫荷車。綠英吐弱線。翠葉抱修莖。蠹如青旄節。草中立亭亭。根有却老藥。麟皴友松蒼。長生不暇學。聊冀病身輕。

【服食經】紫河車根以竹刀刮去皮。切作骰子大塊。麪裹入瓷瓶中水煮。候浮漉出。凝冷入新布袋中。懸風處待乾。每服三丸。五更初面東念咒。井水下。連進三服。即能休糧。若要飲食。先以黑豆煎湯飲之。次以藥丸煮稀粥。漸食之。咒曰。天朗氣清。金雞鳴。吾今服藥。欲長生。吾今不饑。復不渴。賴得神仙草。有靈。

鬼曰

【本草綱目】鬼曰一名九曰。一名天曰。一名鬼藥。一名解毒。一名爵犀。一名馬目毒公。一名害母草。一名羞天花。詳見益部方物略記。一名尤律草。一名瑤田草。詳見山谷詩注。一名獨腳蓮。一名獨荷草。一名山荷葉。一名旱荷。一名八角盤。一名唐婆鏡。此物有毒而白如馬眼。故名馬目毒公。殺蠱解毒。故有犀名。其葉如鏡。如盤。如荷。而新苗生則舊苗死。故有鏡盤荷蓮害母諸名。蘇頌曰。今江寧府滁舒商齊杭襄峽州荆門軍皆有之。花生莖間。赤色。三月開花。後結實。一說。鬼曰生深山陰地。葉六出或五出。如鴈掌。莖端一葉如繖。旦時東向。及暮則西傾。蓋隨日出沒也。花紅紫。如荔枝。正在葉下。常為葉所蔽。未常見日。一年生一莖。既枯則生一白。及八九年則八九白矣。然一年一白生而一白腐。蓋陳新相易也。李時珍曰。考鄭樵通志云。鬼曰葉如小荷。形如鳥掌。年長一莖。莖枯則根為一白。亦名八角盤。以

其葉似之也。據此則是今人所謂獨脚蓮者也。南方處處深山陰密處有之。北方惟龍門山王屋山有之。一莖獨上。莖生葉心而中空。一莖七葉。圓如初生小荷葉。面青背紫。揉其葉作瓜李香。開花在葉下。亦有無花者。其根全似蒼朮紫荷車。丹爐家采根制三黃砂汞。或云其葉八角者更靈。或云其根如紫荷車一樣。但以白色者爲河車。赤色者爲鬼臼。恐亦不然。而庚辛玉冊謂蚤休陽草。旱荷陰草。亦有分別。陶弘景以馬目毒公與鬼臼爲二物。殊不知正是一物而有二種也。又唐獨孤滔丹房鏡源云。朮律車有二種。根皆似南星。赤莖直上。莖端生葉。一種葉凡七瓣。一種葉作數層。葉似菝麻。面青背紫。而有細毛。葉下附莖。開一花。狀如鈴鐸倒垂。青白色。黃蕊中空。結黃子。風吹不動。無風自搖。可制砂汞。按此卽鬼臼之二種也。其說形狀甚明。氣味辛溫有毒。殺蟲毒鬼疰精物。辟惡氣不祥。逐邪。解百毒。治風疾邪癰癰疽。下息胎。

【益部方物略記】羞寒花。蜀地處處有之。不爲人所愛。根莖綴花。蔽葉自隱。俗曰羞天花。予易爲羞寒花。【山谷詩注】子瞻詩所記胡道士玉芝一名瓊田草者。俗號其葉爲唐婆鏡。葉底開花。故號羞天花。以予考之。其實本草之鬼臼也。歲生一白。如黃精而堅瘦。滿十二歲可爲藥。就土中生根。取一白。勿令大本知也。煮麪如餠。鮑皮裹一白吞之。數日不饑。啗三白可辟穀也。黃龍山老僧多採而斷食。令人體臞而神王。今方家所用鬼臼。乃鬼燈檠耳。如蜀人用鬼箭。但用一草根。不知何物也。鎮陽趙州間道傍叢生三羽者。真鬼箭。俗醫用藥如此。而責古方不治病。可勝歎哉。因論玉芝。故并記之。

【集韻】贊【圖】宋宋祁羞寒花贊【冒寒而茂。莖修葉廣。附莖作花。葉蔽其上。以其自蔽。若有羞狀。

【七言古詩】【圖】宋黃庭堅瓊芝軒【卓仙在時養瓊芝。深根固蒂活人命。憧憧來問此何草。但告渠是唐婆鏡。

射干

【廣雅】鳶尾射干也。【本草綱目】射干一名烏扇。一名烏翹。一名烏吹。一名烏蒲。一名鳳翼。一名鬼

扇。一名扁竹。一名仙人掌。一名紫金牛。一名野萱花。一名草薑。一名黃遠。蘇頌曰。莖梗疎長。正如射之長

生。橫鋪一面。如鳥翅及扇之狀。故有烏扇諸名。俗呼扁竹。謂其葉扁生而根如竹也。根葉又如蠻薑。故曰草薑。蘇恭曰。鳶尾葉都似射干。而花紫碧色。不抽高莖。

根似高良薑。而肉白。名鳶頭。陳藏器曰。射干鳶尾二物相似。人多不分。射干卽人間所種。爲花草名。鳳翼

者。葉如鳥翅。秋生。紅花赤點。鳶尾亦人間所種。苗低下於射干。狀如鳶尾。夏生紫碧花者。是也。蘇頌曰。今

在處有之。人家種之。春生苗高一二尺。葉大類蠻薑。而狹長橫張。疎如翅羽狀。故名烏翹。葉中抽莖。似萱

草莖。而強硬。六月開花。黃紅色。瓣上有細文。秋結實作房。中子黑色。李時珍曰。射干卽今扁竹也。今人所

種多是紫花者。呼爲紫蝴蝶。其花三四月開六出。大如萱花。結房大如拇指。頗似泡桐子。一房四隔。一隔

十餘子。子大如胡椒。而色紫極硬。咬之不破。七月始枯。陶弘景謂射干鳶尾是一種。蘇恭陳藏器謂紫碧

花者是鳶尾。紅花者是射干。韓保昇謂黃花者是射干。蘇頌謂花紅黃者是射干。白花者亦其類。朱震亨

種紫花。一種黃花。一種碧花。多生江南湖廣川浙平陸間。八月取汁。煮雄黃。伏雌黃。制丹砂。能拒火。據此。則鳶尾射干本是一類。但花色不同。正如牡丹芍藥菊花之類。其色各異。皆是同屬也。大抵入藥功不相遠。氣味苦平有毒。治欬逆上氣。喉痺咽痛。散結氣。腹中邪逆。食飲大熱。消痰。破癥結。水蠱。消結核。利大腸。治瘡。母摩塗毒腫。

【圖經本草】夏小正十一月廣莫風至。則蘭射干生。【圖經本草】射干多生山厓之間。其莖雖細小。亦類木。故荀子云。西方有木。名曰射干。莖長四寸。生于高山之上。【易通卦驗】冬至射干生。

【文賦散句】漢司馬相如上林賦。藁本射干。【劉向九歎】掘荃蕙與射干兮。

坐拏草

【圖經本草】坐拏草生江西及滁州。六月開紫花。結實。采其苗入藥。甚易得。後因人用有效。今頗貴重。氣味辛熱有毒。治風痺。壯筋骨。兼治打撲傷損。

押不蘆

【癸辛雜識】回回地方有草名押不蘆。土人以少許磨酒飲。卽通身麻痺而死。加以刀斧亦不知。至三日則以少藥投之。卽活。御藥院中亦儲之。【湛淵集詩注】漠北有草名押不蘆。食其汁立死。以他藥解。

之卽蘇華陀洗腸胃攻疾疑先服此。【滇載記】押不蘆北方起死回生草也。

【集韻】五言絕句。【元白珽續演雅】草食押不蘆雖死元不死未見滌腸人先聞棄簣子。

芫花

【本草綱目】芫花一名杜芫一名赤芫一名去水一名毒魚一名痛頭花一名兒草一名敗華根名黃大戟一名蜀桑。芫或作杭義未詳去水言其功毒魚言其性大戟言其似也俗人因其氣惡呼爲頭痛花韓保昇曰近道處處有之苗高二三尺葉似白前及柳葉根皮黃似桑根正月二月花發紫碧色葉未生時收采日乾葉生花落卽不堪用也蘇頌曰在處有之宿根舊枝莖紫長一二尺根入土深三五寸白色似榆根春生苗葉小而尖似楊柳枝葉二月開紫花頗似紫荆而作穗又似藤花而細今絳州出者花黃謂之黃芫花氣味辛溫有小毒治欬逆上氣喉鳴喘咽腫短氣蟲毒鬼瘡疔痕癰腫殺蟲魚去水利痰通利血脈治惡瘡風痺一切毒風四肢攣急。

【別錄】【本草綱目】芫花留數年陳久者良用時以好醋煮十數沸去醋以水浸一宿曬乾用則毒滅也或以醋炒者次之。

蕘花

【本草綱目】蕘花。蕘者饒也其花繁饒也蘇恭曰苗似胡荽莖無刺花細黃色四月五月收韓保昇曰所在有之以雍州者爲好生岡原上苗高二尺許李時珍曰按蘇頌圖經言絳州所出芫花黃色謂之黃芫花其圖

小株。花成簇生。恐卽此蕘花也。生時色黃。乾則如白。故陶氏言細白也。氣味苦寒有毒。治傷寒溫瘧。下十二水。破積聚。大堅癥瘕。蕩滌胸中留癖。飲食寒熱邪氣。利水道。療痰飲。欬逆上氣。喉中腫滿。疰氣。蠱毒。

醉魚草

【本草綱目】醉魚草一名闊魚花。一名魚尾草。一名櫛木。南方處處有之。多在塹岸邊。作小株生。高者三四尺。根狀如枸杞。莖似黃荊。有微稜。外有薄黃皮。較易繁衍。葉似水楊。對節而生。經冬不凋。七八月開花成穗。紅紫色。儼如芫花一樣。結細子。漁人采花及葉。以毒魚。盡圍圍而死。呼爲醉魚兒草。池沼邊不可種之。此花色狀氣味並如芫花。毒魚亦同。但花開不同時。爲異爾。氣味辛苦。溫有小毒。治痰飲。解魚毒。化魚骨鯁。

莽草

【本草綱目】莽草一名茵草。一名芒草。一名鼠莽。陶弘景曰。莽本作茵字。俗訛呼爾。李時珍曰。此物有毒。食之令人迷罔。故名。山人以毒鼠。謂之鼠莽。陶弘景曰。今東間處處皆有。葉青辛烈者良。又用搗以和陳粟米粉。納水中。魚吞卽死。浮出。人取食之無妨。蘇頌曰。今南中州郡及蜀川皆有之。木若石楠而葉稀。無花實。五月七月采葉陰乾。一說藤生繞木石間。旣謂之草。乃藤生者是也。寇宗奭曰。莽草諸家皆謂之草。而本草居木部。今世所用皆木。葉如石楠葉。枝硬。乾則皺。揉之其臭如椒。氣味辛溫有毒。治風頭癰腫。乳癰。疔瘡。喉痺。瘰癧。除結氣。疥癩。殺蟲魚。

【周禮秋官】翦氏掌除蠹物以攻禁攻之以莽草薰之。【范子計然】莽草出三輔青色者善。

茵芋

【本草綱目】茵芋一名莞草一名卑共陶弘景曰好者出彭城今近道亦有莖葉狀似莽草而細軟連細莖采之方用甚稀惟合療風酒大明曰出自海鹽形似石楠樹生葉厚五六月采蘇頌曰今雍州絳州華州杭州亦有之春生苗高三四尺莖赤葉似石榴而短厚又似石楠葉四月開細白花五月結實三月四月七月采莖葉日乾氣味苦溫有毒治五臟邪氣心腹寒熱羸瘦如瘧狀發作有時諸關節風濕痺痛。

苦堇

【爾雅】齧苦堇【注】今堇葵也葉似柳子如米汭食之滑【疏】本草唐本注云此菜野生非人所種俗謂之堇菜葉似莢紫花本草云味甘而此云苦者古人語倒猶甘草謂之苦也【本草綱目】苦堇一名

石龍芮一名地樵一名天豆一名石能一名魯果能一名水堇一名胡椒菜一名彭根陶弘景曰生于石

故名石龍芮蘇恭曰實如桑樵故名地樵李時珍曰芮芮細貌其樵之子加芮故名蘇恭曰水堇苗似附子

名地樵以下皆子名也水堇以下皆苗名也苗作蔬食味辛而滑故有椒葵之名蘇恭曰水堇苗似附子實如桑樵生下濕地五月熟葉子皆味辛山南者粒大如葵子關中河北者細如葶藶氣力劣於山南者蘇頌曰今惟出兗州一叢數莖莖青紫色每莖三葉其葉短小多刻缺子如葶藶而色黃李時珍曰水堇

處處有之。多生近水下濕地。高者尺許。其根如薺。三月生苗。叢生。圓莖分枝。一枝三葉。葉青而光滑。有三尖。多細缺。江淮人三四月采苗。淪過曬蒸黑色爲蔬。四五月開細黃花。結小實大如豆。狀如初生桑椹。青綠色。搓散則子甚細。如葶藶子。卽石龍芮也。宜半老時采之。氣味苦平無毒。治風寒濕痺。心腹邪氣。利關節。止煩滿。久服輕身。明目不老。莖葉氣味甘寒無毒。搗汁洗馬毒。塗蛇蝎毒及癰腫。

【禮記內則】葶苳粉榆。免蕞滫瀡以滑之。【晉書孝義傳】劉殷祖母王氏。冬月思葶。殷時年九歲。乃於澤中慟哭。聲不絕者半日。忽若有人云。止。止。殷收淚。視地有葶生焉。因得斛餘以供食。【范子計然】石龍芮出三輔。色黃者善。

毛葶

【本草綱目】毛葶一名毛建草。一名水葶。一名毛葶。一名天炙。一名自炙。一名猴蒜。李時珍曰。葶乃草狀及毒皆似之。故名。時後方謂之水葶。又名毛建。亦葶字音訛也。俗名毛葶。似水葶而有毛也。山人截癩。采葉按貼寸口。一夜作泡。如火燎。故呼爲天炙。自炙。下濕處多有。春生苗。高者尺餘。一枝三葉。葉有三尖及細缺。與石龍芮莖葉一樣。但有細毛爲別。四五月開小黃花。五出甚光豔。結實狀如欲綻青桑椹。如有尖峭。與石龍芮子不同。人以爲鵝不食草者。大誤也。方士取汁煮砂伏硫。沈存中筆談。所謂石龍芮有兩種。水生者葉光而未圓。陸生者葉毛而未銳。此卽葉毛者。氣味辛溫有毒。治惡瘡癰腫未潰者。搗葉傅之。不得入瘡。令肉爛。葛洪百一方云。水葶生水旁有毒。蟹多食之。人誤食之。狂亂。

如中風狀。或吐血。以甘草汁解之。

海薑

【增】本草經注海薑生海中赤色。狀如石龍芮。有大毒。

陰命

【原】本草經注陰命生海中。赤色。著木懸。其子有大毒。

牛扁

【增】本草綱目牛扁一名扁特。一名扁毒。蘇恭曰田野人名爲牛扁。療牛虱甚效。太常名扁特。或名扁毒。蘇恭曰此藥似葶草石龍芮。根如秦艸而細。蘇頌曰今潞州一種便特。六月有花。八月結實。采其根苗。搗末油調。殺蟻虱。主療大都相似。疑卽扁特也。但聲近而字訛耳。氣味苦。微寒無毒。治身皮瘡熱氣。可作浴湯。殺牛虱小蟲。又療牛病。

附錄 虱建草

【增】本草拾遺虱建草生山足濕地。發葉似山丹微赤。高一二尺。味苦無毒。主蟻虱。按汁沐頭。虱盡死。人有誤吞虱成病者。搗汁服一小合。亦主諸蟲瘡。又有水竹葉生水中。葉如竹葉而短小。可生食。亦去蟻虱。

蕁麻

【增】本草綱目蕁麻一名毛蕁。川黔諸處甚多。其莖有刺。高二三尺。葉似花菱。或青或紫。背紫者入藥。上

有毛芒可畏。觸人如蜂螫。蓋以人溺濯之即解。有花無實。冒冬不凋。按投水中。能毒魚。氣味辛。苦寒。有大毒。吐利人不止。治蛇毒。搗塗之。

【杜詩注】除草去蕪草也。【東坡集】杜甫有除蕪詩。言草有害於人。然治風癩。擇最先者。以此草點之。一身皆失去。葉背紫者入藥。據此說。蕪亦能療疾。棄瑕錄用可也。

【五言古詩】唐杜甫除草詩。草有害於人。曾何生阻修。其毒甚蜂螫。其多彌道周。清晨步前林。江色未散憂。芒刺在我眼。焉能待高秋。霜露一霑凝。蕪葉亦難留。荷鋤先童稚。日入仍討求。轉致水中央。豈無雙釣舟。頑根易滋蔓。敢使依舊丘。自茲藩籬曠。更覺松竹幽。芟夷不可闕。疾惡信如讐。

格注草

【唐本草】格注草出齊魯山澤間。葉似蕪。根紫色。若紫草根。一株有二十許。二月八月采根。五月六月采苗。日乾用。氣味辛。苦溫。有大毒。治蠱疰諸毒疼痛。

海芋

【益部方物略記】海芋生不高四五尺。葉似芋而有根。根皮不可食。方家號隔河仙。云可變金。或云能止瘡。【本草綱目】海芋一名觀音蓮。一名羞天草。一名天荷。生蜀中。今亦處處有之。春生苗。高四五尺。夏秋間抽莖開花。如一瓣蓮。花碧色。花中有蕊。長作穗。如觀音像在圓光之狀。故俗呼爲觀音蓮。其根

似芋魁。大者如升盃。長六七寸。蓋野芋之類也。庚辛玉册云。羞天草。陰草也。生江廣深谷澗邊。其葉極大。可以禦雨。葉背紫色。花如蓮花。根葉皆有大毒。可煨粉霜硃砂。小者名野芋。氣味辛。有大毒。治瘧瘴毒腫風癩。

【贊】宋宋祁海芋贊。木榦芋葉。擁腫盤戾。農經弗載。不用治厲。

鈎吻

【博物志】鈎吻草與苕華相似。【南方草木狀】野葛蔓生。葉如羅勒。光而厚。一名胡蔓草。人以雜生蔬中。毒入半日輒死。【酉陽雜俎】胡蔓草生甕容間。叢生。花扁如支子。稍大不成朵。色黃白。葉稍黑。誤食之。數日卒。飲白鵝鴨血則解。或以一物投之。祝曰。我買你食之。則立死。【本草綱目】鈎吻一名野葛。

一名毒根。一名胡蔓草。一名斷腸草。一名黃藤。一名火把花。陶弘景曰。言其入口則鈎人喉吻也。或言吻

草雖名野葛。非葛根之野者也。或作治葛。王充論衡云。治地名也。在東南。廣人謂之胡蔓草。亦曰斷腸草。入人畜腹內。即黏腸上。半日則黑爛。又名爛腸草。演人謂之火把花。因其花紅而性熱如火也。岳州謂之

黃藤。生傳高山谷。及會稽東野。折之青烟。出者名固活。吳普云。秦鈎吻一名除辛。蘇恭曰。野葛生桂州以南。村墟閭巷間皆有。彼人通名鈎吻。亦

謂苗為鈎吻。根名野葛。蔓生。其葉如柿。其根新采者。皮白骨黃。宿根似地骨。嫩根如漢防己。皮節斷者良。

正與白藤相類。新者折之無塵氣。經年以後。則有塵起。從骨之細孔出。人食其葉立死。李時珍曰。南人云。

鈎吻即胡蔓草。今人謂之斷腸草。是也。蔓生。葉圓而光。春夏嫩苗毒甚。秋冬枯老稍緩。五六月開花似樺。

滴野葛卽萎死。南人先食薤菜。後食野葛。二物相伏。自然無苦。李時珍曰。葛洪肘後方云。凡中野葛毒口不可開者。取大竹筒洞節。以頭拄其兩脇及臍中。灌冷水入筒中。數易水。須臾口開。乃可下藥解之。惟多飲甘草汁。人屎汁。白鴨或白鷺斷頭瀝血。入口中。或羊血灌之。嶺南衛生方云。卽時取雞卵抱未成雛者。研爛和麻油灌之。吐出毒物乃生。稍遲卽死也。

【博物志】太陰之草名曰鉤吻。不可食。入口卽死。神農經曰。藥物有大毒。不可入口。鼻耳目者。卽殺人。一曰鉤吻。盧氏曰。陰地黃精不相連根。苗獨生者。是也。【五言古詩】唐白居易有木詩。有木香苒苒。山頭生一發。主人不知名。移種近軒闥。愛其有芳味。因以調麴蘖。前後曾飲者。十人無一活。豈徒悔封植。兼亦誤采掇。試問識藥人。始知名野葛。年深已滋蔓。刀斧不可伐。何時猛風來。爲我連根拔。

透山根

【本草綱目】按岫嶼神書云。透山根生蜀中山谷。草類蘼蕪。可以點鐵成金。昔有人采藥。誤斫此草。刀忽黃軟成金也。又庚辛玉册云。透山根出武都。取汁點鐵。立成黃金。有大毒。人誤食之。化爲紫水。又有金英草。亦生蜀中。狀如馬齒莧。而色紅。摸鐵成金。亦有大毒。入口殺人。須臾爲紫水也。又何遠春渚紀聞云。

劉均父吏部罷官歸成都。有水銀一篋。過峽。篋漏。急取渡旁叢草塞之。久而開視。盡成黃金矣。宋初有軍士在澤州澤中。割馬草歸。鎌皆成金。以草燃釜。亦成黃金。又臨安僧法堅言。有客過於潛山中。見一蛇腹脹。嚙一草。以腹磨之而消。念此草必能消脹。取置篋中。夜宿旅館。聞鄰房有人病腹脹呻吟。以釜煎藥。一杯與服。頃之不復聞聲。念已安矣。至旦視之。其人血肉俱化爲水。獨骸骨在牀爾。視其釜則通體成金矣。觀何氏所載。卽是透山根。乃金英草之類。如此毒草。不可不知。故備載之耳。

廣羣芳譜卷第九十八

藥譜

兔絲女蘿別見木譜

圓兔絲一名兔縷一名兔蘂一名兔蘆一名兔丘廣雅云兔丘兔絲也一名女蘿埤雅云在木爲女蘿在草爲兔絲一名赤網一名

玉女爾雅云蒙玉女注云卽唐也一名唐蒙爾雅云唐蒙女蘿兔絲一名火燄草庚辛玉册云火燄云卽兔絲子一名狐絲一名金線草蔓生

處處有之以宛句者爲勝生懷孟林中及黑豆上者入藥更良夏生苗色紅黃如金細絲遍地不能自起得草梗則纏繞而生其子入地初生有根及長延草物其根自斷無葉有花白色微紅香亦襲人結實如粃豆而細色黃生於梗上味辛甘平無毒主續絕傷補不足益氣力肥健人堅筋骨添精益髓養肌去腰痛膝冷久服明目輕身延年去面黥悅顏色

【詩小雅】葛與女蘿施于松柏。【史記龜策傳】下有茯苓上有兔絲。【呂氏春秋】或謂兔

絲無根也其根不屬地茯苓是也。【淮南子】兔絲無根而生茯苓抽兔絲死。【博物志】女蘿寄生兔

絲兔絲寄生木上生根不著地。【抱朴子】兔絲之草下有伏兔之根無此兔在下則絲不得生於上然

實不屬也。兔絲初生之根其形似兔掘取剖其血以和丹服之立變化任意所作。【酉陽雜俎】兔絲

子多近棘及藿。山居者疑二草之氣類也。

【五言古詩】**園**宋謝朓詠兔絲。輕絲既難理。細縷竟無織。爛熳已萬條。連綿復一色。安根不可知。繫心終不測。所貴能卷舒。伊用蓬生直。【唐李白古意】君爲女蘿草。妾作兔絲花。輕條不自引。爲逐春風斜。百丈託遠松。纏綿成一家。誰言會面易。各在青山厓。女蘿發馨香。兔絲斷人腸。枝枝相糾結。葉葉竟飄揚。生子不知根。因誰共芬芳。中巢雙翡翠。上宿紫鴛鴦。若識二草心。海潮亦可量。【元稹兔絲】人生莫依倚。依倚事不成。君看兔絲蔓。依倚榛與荆。荆榛易蒙密。百鳥撩亂鳴。下有狐兔穴。奔走亦縱橫。樵童斫將去。柔蔓與之并。翳蒼生可恥。束縛死無名。桂樹月中出。珊瑚石上生。俊鶻渡海食。應龍升天行。靈物本特達。不復相纏縈。纏縈竟何者。荆棘與飛莖。【明薛蕙兔絲】根株不自立。枝蔓爲誰飾。偶同雜俎文。未比朱絃直。園客何由整。天女詎堪織。暫附松柏枝。終辭霜露色。【詩散句】**園**梁江淹兔絲附女蘿。引蔓故不長。兔絲及水萍。所寄終不移。【金雷瑄】綿綿兔絲草。【唐喬知之】南山羸羸兔絲花。【陸龜蒙】教疎兔縷金絃亂。

【修治】凡用以溫水淘去沙泥。酒浸一宿。曝乾搗之。不盡者再浸曝搗。須臾悉細。又法酒浸四五日。蒸曝四五次。研作餅。焙乾再研末。或云曝乾時入紙條數枚同搗。卽刻成粉。且省力也。【辨訛】勿使天碧草子真相似。但味酸澀并黏也。【服食】抱朴子仙方單服法。兔絲子一斗。酒一斗。浸曝乾再浸。又

曝酒盡乃止。搗篩爲末。每酒服二錢。日二服。治腰膝。去風明目。久服令人光澤。老變爲少。十日外飲啖。如湯沃雪。

五味子

【爾雅】葇菹。【注】五味也。【疏】按本草五味子一名會及。一名玄及。唐本注云。五味皮肉甘酸。核中辛苦。都有鹹味。此則五味具也。【圖經本草】五味春初生苗。引赤蔓於高木。其長六七尺。葉尖圓似杏葉。三四月開黃白花。類蓮花狀。七月成實。叢生莖端。如豌豆許大。生青熟紅紫。入藥生曝不去子。今有數種大抵相近。雷斅言小顆皮皺泡者。有白撲鹽霜一重。其味酸鹹苦辛甘皆全者。爲真也。【本草綱目】南產者色紅。北產者色黑。氣味酸溫無毒。益氣。治欬逆上氣。勞傷羸瘦。補不足。養五臟。除熱生肌。治中下氣。止嘔逆。補虛勞。令人體悅澤。明目。暖水臟。壯筋骨。治風消食。治反胃。霍亂。轉筋。痲痺。奔豚。冷氣。消水腫。心腹氣脹。止渴。除煩熱。解酒毒。生津止渴。治瀉痢。補元氣不足。傷耗散之氣。

【抱朴子】五味者五行之精。其子有五味。淮南公羨門子服之十六年。面色如玉女。入水不濡。入火不灼。

覆盆子

覆盆子。李氏藥錄云。子似一名缺盆。一名莖。爾雅云。莖。一名插田蔗。一名烏蔗子。一名大麥莓。一

名栽秧蕪。本草綱目云五月子熟。其色烏赤故有諸名。一名西國草。一名畢楞伽。見海上集驗方。一名馬瘦。一名陸荆。見藥性本草。處處有

之。秦吳尤多。藤蔓莖有鈎刺。一枝五葉。葉小面青背微白。光薄無毛。開白花。四五月實成。子小於蓬蘽而

稀疎。味酸甘。外如荔支。大如指。頂軟紅可愛。生青黃。熟烏赤。山中人及時采賣。少遲則就枝生蛆。食之五

六分。熟便采。烈日曝乾。不爾易爛。氣味甘平無毒。益氣輕身。補虛續絕。益腎明目。悅澤肌膚。安和五臟。

【原】夷堅志潭州趙太尉母病爛弦。瘡眼二十年。有老嫗云。此中有蟲。吾當除之。入山取草蔓葉。咀

嚼留汁入筒中。還以皂紗蒙眼。滴汁漬下弦。轉盼間。蟲從紗上出。數日下弦乾。復如法滴上弦。又得蟲。數

日而愈。後以治人多驗。乃覆盆子葉也。蓋治眼妙品。

【五言古詩】宋王右丞覆盆子靈根茂永夏。幽磴羅深叢。晶華發鮮澤。葉實分青紅。搜尋犯晨

露。採摘勤村童。藉以烟筍籜。貯之霜筠籠。

【修治】采得揀淨。搗作薄餅。曬乾密貯。臨時酒拌蒸用。采時不見水。取汁作煎為果。著水則不堪

煎。

蓬蘽

【本草綱目】一名覆盆。一名陵蘽。一名陰蘽。一名寒莓。李時珍曰蓬蘽與覆盆同類。故別錄謂一名覆

於覆盆。故曰蓬蘽。陵蘽即藤也。【原】藤蔓繁衍。莖有倒刺。逐節生葉。大如掌。狀類小葵。葉面青背白。厚而有毛。六七月開

小白花。就蒂結實。三四十顆成簇。生則青黃。熟則紫黯。微有黑毛。形如熟椹而扁。冬月苗葉不凋者。俗名割田蕪。氣味酸平無毒。安五臟。益精氣。令人有子。益顏色。長髮。久服輕身不老。一種蔓小於蓬蘽。一枝三葉。葉面青。背淡白。而微有毛。開小白花。四月實熟。其色紅如櫻桃者。俗名薜田蕪。卽爾雅所謂蕪者也。故郭璞注云。蕪卽莓也。子似覆盆而大。赤色。酢甜可食。此種不入藥。

懸鈎子

【爾雅】葍山莓。【註】今之木莓也。實似蕪莓而大。亦可食。【本草綱目】懸鈎子一名沿鈎子。一名山莓。一名樹莓。陳藏器曰。莖上有刺如懸鈎故名。懸鈎樹生高四五尺。其莖白色。有倒刺。其葉有細齒。青色無毛。背後淡青。頗似櫻桃葉而狹長。又似地棠花葉。四月開小白花。結實。色紅。今人亦通呼爲蕪子。氣味酸平無毒。醒酒止渴。除痰。去酒毒。搗汁服。解射工沙虱毒。

蛇莓

【本草綱目】蛇莓一名蛇蕪。一名地莓。一名蠶莓。汪機曰。近地而生。故曰地莓。吳瑞曰。蠶老時。熟紅於地。殘也。就地引細蔓。節節生根。每枝三葉。葉有齒刻。四五月開小黃花。五出。結實鮮紅。狀似覆盆。氣味甘酸。大寒有毒。治胸腹大熱不止。傷寒大熱。及溪毒射工毒。甚良。通經協瘡腫。傅蛇傷湯火傷。

使君子

園使君子一名留求子。開寶本草云俗傳潘州郭使君療小兒多是獨用此物故號爲使君子本草綱目云按南方草木狀謂之留求子療嬰孺之疾則自魏晉已用但名異耳其莖作藤生如手指大如葛繞樹而上葉青如五加葉五月開五瓣花一簇一二十葩初淡紅久乃深紅色輕虛如海棠作架植之蔓延若錦實長寸許五瓣合成有稜初時半黃熟則紫黑其中仁白上有薄黑皮如榧子仁而嫩味如栗七月采久者油黑不可用氣味甘溫無毒治小兒五疳健脾胃除虛熱殺蟲療瀉痢小兒百病瘡癬皆治凡服使君子忌飲熱茶犯之即瀉

七言絕句 **園**宋無名氏使君子花竹籬茅舍趁溪斜白白紅紅牆外花浪得佳名使君子初無君子到君家

木鼈子

本草綱目木鼈子一名木蟹。馬志曰其核似鼈蟹狀故以爲名蘇頌曰春生苗作藤生葉有五桠狀如山藥青色面光四月生黃花六月結實似栝樓而極大生青熟紅黃色肉上有軟刺每一實有核三四十枚其狀扁而如鼈八九月采之嶺南人取嫩實及苗葉作茹蒸食李時珍曰木鼈核形扁礪柯大如圍碁子其仁青綠色氣味甘溫無毒治折傷消結腫惡瘡生肌止腰痛除粉刺黥黯婦人乳癰治疔積痞塊利大腸瀉痢痔瘡瘰癧

番木鼈

【本草綱目】番木鱈一名馬錢子。一名苦實把豆。一名火失剌把都。狀似馬之連錢故名馬錢。蔓生。夏開黃花。七八月結實如栝樓。生青熟赤。亦如木鱈。其核小於木鱈。而色白。彼人言治一百二十種病。或云以豆腐制過用之良。或云能毒狗至死。氣味苦寒無毒。治傷寒熱病。咽喉痺痛。消痞塊。竝含之嚥汁。或磨水噙嚥。

馬兜鈴

【本草綱目】馬兜鈴一名都淋藤。一名獨行根。一名土青木香。一名三百兩銀藥。根名雲南根。寇宗奭附木而上。葉脫時其實尙垂。狀如馬項之鈴。故得名也。李時珍曰其根吐利。人微有香氣。故有獨行木香之名。嶺南人用治蠱隱。其名爲三百兩銀藥。蘇頌曰春生苗作蔓繞樹而生。葉如山蘋葉而厚大。背白。六月開黃紫花。頗類枸杞花。七月結實如大棗。狀似鈴。作四五瓣。根微似木香。大如小指。赤黃色。氣味苦寒無毒。治肺熱欬嗽痰結喘促。血痔瘻瘡。肺氣上急。解蛇蠱毒。根氣味辛苦冷有毒。治鬼注積聚諸毒熱腫。取汁服。吐蠱毒。治五種蟲毒。

預知子

【本草綱目】預知子一名聖知子。一名聖先子。一名盍合子。一名仙沼子。馬志曰相傳取子二枚。覆衣當預知之。故有諸名。蘇頌曰作蔓生。依大木上。葉綠有三角。面深背淺。七月八月有實作房。生青熟深紅色。每房有子五七枚。如皂莢子。斑褐色。光潤如飛蛾。其根治蠱。功勝於子。山民目爲聖無憂子。仁氣味苦寒無毒。治殺蟲療蠱。治諸毒疥癬氣塊。消宿食。止煩悶。利小便。催生。中惡失音。髮落。天行溫疾。塗一切蛇蟲蠶咬。治

一切病。

牽牛

圓牽牛

本草注云此藥始出田野一名盆甌草。酉陽雜俎云盆甌草即牽牛子也。結實後斷之狀如盆甌其中子似龜。

一名黑丑白丑一名

草金鈴一名狗耳草

本草綱目云近人隱其名爲黑丑白者爲白丑蓋以丑屬牛也金鈴象子形狗耳象葉形處處有之有黑白二種黑者野生尤多

二月種子三月生苗作藤蔓遶籬墻高者或二三丈蔓有白毛斷之有白汁其葉青有三尖如楓葉花不作瓣如旋花而大碧色其實有蒂裹之生青枯白核與棠棣子核相似但深黑耳白者蔓微紅無毛有柔刺斷之有濃汁葉團有斜尖並如山藥莖葉花淺碧蒂紅色核白色稍麤其嫩實蜜煎爲果名天茄氣味苦寒有毒治水氣在肺喘滿腫脹下焦鬱遏腰背脹腫大腸氣祕風祕卓有奇功但病在血分及脾胃虛弱而痞滿者則不可取快一時及常服致傷元氣

【五言古詩】

宋梅堯臣牽牛 楚女霧露中籬上摘牽牛花蔓相連延星宿光未收采之一何早

日出顏色收持窻梅窗間染薑奉盤羞爛如珊瑚枝惱翁齒牙柔齒牙不能餐梁肉坐爲仇牆東有冬瓜費盡滋漑力牽牛獨得志抽走無尋尺既上我屋壁復冒我籬落遊藤僅細綫逐節分豆葉未欲揮鋤斤且與妝秋色任他繞屋去度表幽人宅

【蘇軾賦園中所有】牽牛非佳花走蔓入荒榛開花荒榛上不見細蔓身誰翦薄素紗浸之青藍盆水淺浸不盡下餘一寸銀嗟爾脆弱草豈能凌霜晨物性有稟受

安問秋與春。【元郝經甲子歲後園牽牛】野花照天星。星中花亦盛。長夏蔓草深。疎籬掩斜徑。幽庭日無事。森寂淡相映。繚繞絲亂垂。點綴葉相並。金風一披拂。零露光彩競。參差碧玉簪。綰插滑欲迸。霜絲吐冰同。容色好娟淨。堂陰青錦張。牆背紫苔瑩。時方鵲橋成。佳節當秋孟。織女能剪裁。天河洗尤稱。女以秋爲期。郎將花作證。風雨開雲屏。鸞皇鏘月鏡。處處乞巧筵。家家喜相慶。五年江館客。萬事成墮甑。不能致龍節。空自悲虎穿。永日塵炎蒸。中暑甘臥病。對花淚盈目。坐起不覺瞑。雲漢見雙星。回頭看斗柄。遙憐小兒女。婚嫁俱未竟。中流虞風波。相見何日更。【明吳寬牽牛】本草載藥品。草部見牽牛。薰風籬落間。蔓生甚稠繆。誰琢紫玉簪。葉密花仍稠。日高卽擎斂。豈是朝菌儔。陰氣得獨盛。下劑斯見收。便須作花庵。誰與迂叟謀。

【五言律詩】【宋邵雍花庵多牽牛清晨始開日出已瘁花雖甚美而不能留賞】望遠雲凝岫。妝餘黛散鈿。縹囊承曉露。翠蓋拂秋烟。嚮慕非葵比。彫零在槿先。才供少頃玩。空廢日高眠。葉鬧深如幄。花繁翠似鈿。瀼瀼零曉露。霧霧蔽晴烟。謝旣成番次。開仍有後先。主人凝佇看。長是廢朝眠。【趙蔗境牽牛】西風樵子谷。藤蔓絡柴關。名在星河上。花開曉露間。秋空同碧色。曉日轉紅顏。若挂青松頂。儵然不可攀。【五言絕句】【宋文同牽牛花】柔條長百尺。秀萼包千葉。不惜作高架。爲君相引接。【七言絕句】【宋楊萬里牽牛花】素羅笠頂碧羅簷。曉卸藍裳著茜衫。望見竹籬心獨喜。翩然飛上翠

雲箋。莫笑渠儂不服箱。天孫爲織錦雲裳。浪言偷得星橋巧。只解冰盤染紫薑。曉思歡欣晚思愁。繞籬縈架大嬌柔。木犀未發芙蓉老。買斷西風恣意秋。【姜夔詠牽牛】青花綠葉上疎籬。別有長條竹尾垂。老覺殘妝差有味。滿身秋露立多時。不見青青繞竹生。西風籬落抱枯藤。道人一任空花過。愁殺山陰覓句僧。【楊巽齋牽牛】青青柔蔓遶修篁。刷翠成花著處芳。應是折從河鼓手。天孫斜插鬢雲香。【施東洲牽牛】一泓天水染朱衣。生怕紅埃透日飛。急整離離蒼玉珮。曉雲光裏渡河歸。【林逋山牽牛】圓似流泉碧翦紗。牆頭藤蔓自交加。天孫滴下相思淚。長向秋深結此花。

【詩散句】【宋蘇軾】牽牛獨何畏。詰曲自牙蘂。走尋荆與榛。如有宿昔約。【秦觀】籬落秋暑中。碧花蔓牽牛。【趙山臺】秋來難得花成染。閒引牽牛上短籬。【盧贊元】紅芭蕉映黑牽牛。【金高士談】風動牽牛曉花碧。

【別園】修治凡采得子曬乾。水淘去浮者再曬。拌酒蒸。從巳至未。曬乾收之。臨用春去黑皮。今多只碾取頭末。去皮麩不用。亦有半生半熟用者。

栝樓

園栝樓一名果羸。一名瓜萋。一名天瓜。一名黃瓜。一名地樓。一名澤姑。爾雅云。果羸之實栝樓。注云。今齊蘇同許慎云。木上曰果。地下曰羸。此物蔓生附木。故得兼名。栝樓卽果羸。人呼之爲天瓜。本草綱目云。羸與二字音轉也。亦作瓠瓢。後人又轉爲瓜萋。古者瓜姑同音。故有澤姑之名。所在有之。三四月生苗引藤蔓。

葉如甜瓜葉而窄。作叉有細毛。七月開花。似壺蘆花。淺黃色。結實在花下如拳。生青。至九月熟黃赤色。形有圓者。圓者色黃皮厚帶小爲雌陽人服有銳而長者。長者皮赤帶鱗爲雄陰人服內有扁子。大如絲瓜子殼。色褐。子色綠。多脂作青氣。根一名白藥。一名瑞雪。一名天花粉。直下生。年久者長數尺。大二三圍。秋後掘者有粉。夏月者有筋無粉。不堪用。氣味甘寒無毒。治胸痺。潤肺燥。治欬嗽。滌痰結。利咽喉。止消渴。利大腸。消癰腫。瘡毒。降上焦之火。使痰氣下降。不犯胃氣。子性同。補虛勞。潤心肺。治吐血。腸風下血。赤白痢。手面皴。口乾。根甘酸微苦寒。製爲粉。潔白美好。大宜虛熱人。解煩渴。行津液。除腸胃中瘡熱。治熱狂時疾。通小腸。消腫毒。乳癰發背。痔瘻。瘡癤。排膿生肌。消撲損瘀血。莖葉味酸。生津止渴。潤枯降火。

【雞肋編】燕地女子。冬月用苦蕒塗面。謂之佛妝。但皆傅而不洗。至春暖方滌去。久不爲風日所侵。故潔白如玉也。

【修治】凡使皮子莖根。其効各別。古方全用。後乃分別各用。用實者去殼皮革膜及油。用根者澄粉。【作天花粉法】秋冬采根。大二三圍者。去皮寸切。水浸。逐日換水。五日後。取出搗泥。以絹衣濾過。澄粉曬乾。每服方寸七。水化下。亦可入粥及乳酪中食。善治消渴。

王瓜

王瓜一名土瓜。一名野甜瓜。一名馬廐瓜。一名赤雹子。一名老鴉瓜。一名師姑草。俚人名公公鬚。一名

鉤蘗爾雅云。鉤蘗姑。註云。鉤蘗也。一名王瓜。本草注云。王瓜。卽今土瓜。鄭玄注。月令。王瓜生。以爲蒹藜。殊
土瓜。又曰。芴。非亦謂之。土瓜。皆別是一物。非此土瓜也。本草綱目云。土瓜。其根作土氣。其實似瓜也。或云
根味如瓜。故名。瓜似。子熱則色赤。鴉喜食之。故俗名赤鴉子。老鴉瓜。一葉之下一鬚。故俚人呼爲公公
鬚。王瓜不知何義。按兼明書。以栝樓爲王瓜。謂其大于土瓜。故以王字別之。誤也。
 潤而不光。五六月開小黃花。成簇。花下結子。纍纍如彈丸。其殼徑寸長二寸許。上微圓。下尖長。生青七八
 月熟。赤紅色。皮羸澀。根如栝樓根之小者。用須深掘二三尺。乃得正根。江西人栽以沃土。取根作蔬。食如
 山藥。南北二種。微有不同。若療黃疸。破血。南者大勝。根苦平無毒。治天行熱疾。酒黃。心胸煩熱。消瘀血。破
 癥瘕。治面黑面瘡。落胎。子酸苦平無毒。生用潤心肺。治黃病。炒用治肺痿吐血。腸風瀉血。赤白痢。反胃吐
 食。蠱毒。

黃環

【圖】本草綱目黃環一名凌泉。一名大就。一名就葛。一名生芻。一名根韭。實名狼跋子。一名度穀。此物葉
故名黃環。亦是葛類。故巴西人謂之就。吳普曰。二月生苗。正赤。高二尺。葉黃。圓端。大葉有汁。黃白。五月實
葛跋。乃狼足名。其莢似之。故曰狼跋子。
 圓。三月采。根黃色。從理如車輻解。根氣味苦平有毒。治蠱毒。鬼疰。鬼魅邪氣。除欬逆。寒熱。上氣急。百邪痰
 嗽。消水腫。子氣味苦寒。有小毒。治惡瘡。蝟疥。殺蟲魚。塗瘡疥。

天門冬

【**天門冬**一名**薺冬**一名**滿冬**。爾雅云：薺薺冬。注：一名**天棘**一名**顛棘**一名**地門冬**一名**筵門冬**一名

萬歲藤。抱朴子云：在東岳名**淫羊藿**。在四岳名**菅松**。在南岳名**百部**。在北岳名**無不愈**。在中岳名**天門冬**。

同**麥冬**。故名**天門冬**。或云**天棘**。爾雅云：鬣。顛棘也。因其細葉如鬣有細棘也。顛天音相近也。按救荒本草云：俗呼**萬歲藤**又名**婆羅樹**。其形與治肺之功頗同。百部故亦名**百部**。薺薺乃營實苗而爾雅指為**門冬**。

或古書錯簡也。處處有之。春生藤蔓大如**斂股**。高至丈餘。葉如**茴香**。極尖細而疎滑。莖間有**逆刺**。亦有澀而無刺者。其葉如**絲杉**而細散。夏生細白花。亦有黃色紫色者。秋結黑子。在其根枝旁。入伏後無花暗結子。其根

一科數十枚。大如手指。圓實而長。黃紫色。肉白以大者為佳。中心如**麥冬**心而稍麤。性苦平無毒。潤燥

滋陰。清金降火。保肺氣。通腎氣。養肌膚。止消渴。治濕疥。除身上一切惡氣。不潔之疾。久服令人肌體滑澤

潔白。李時珍云：天門冬清金降火。益水之上源。故能下通腎氣。入滋補方。合羣藥用之有效。若脾胃虛寒

人。單餌既久。必病腸滑。反成痼疾。此物性寒而潤。能利大腸故也。服天門冬忌鯉魚。誤食中毒者。搗萍汁

服之可解。

【**宋史地理志**】順慶府貢天門冬。普州貢天門冬。【**山海經**】條谷之山。其草多薺冬。鮮山

其草多薺冬。【**列仙傳**】赤松子服天門冬。齒落更生。細髮復出。【**神仙傳**】甘始者太原人也。善行氣。

不飲食。又服天門冬。在世百餘歲。入王屋山仙去。【**抱朴子**】入山便可以天門冬蒸煮啖之。取足以斷

穀。若有力可餌之。或作散酒服。或搗汁作液膏服。至百日。丁壯兼倍。駛於虬及黃精也。二百日。強筋髓。駐

顏色與煉成松脂同。蜜丸服尤善。杜紫微服之。御八十妾。有子百四十人。日行三百里。【名山記】鬱山出天門冬。【建康記】建康出天門冬。極精妙。【彥周詩話】天棘蔓青絲。洪覺範硬差天棘作顛柳。高秀實云。天棘天門冬也。當以秀實之言爲正。顛天聲相近。又酷似青絲。又江南徐鉉家本云。天棘蔓青絲。若蔓生如青絲。尤見是天門冬。【丹鉛錄】山海經小徑之山。有草名鬪。赤莖白華。如顛冬也。顛冬。天門冬也。

【開闢】啟【圖】梁簡文帝謝勅賚益州天門冬啟。逮自星橋。見珍玉壘。本草稱其輕身延壽。實爲上藥。姬晉之重丹桂。曹丕之愛落英。一蒙恩錫。竊幸往代。

【五言絕句】宋朱子天門冬。高蘿引蔓長。插椽垂碧絲。西窗夜來雨。無人領幽姿。

【開闢】原【種植】正二月取苗種肥地中。每根相去二尺餘。不得稠。不久其根甚茂。若取根則留一分小者。却栽時常上糞。有草卽耘。此物甚難種。若都摘了恐不活。種子卽成亦晚。【修治】二三月八月採根。雖曝乾猶脂潤難搗。必須去皮心。用柳木甑及柳木柴蒸一伏時。灑酒令遍。更添火蒸。作小架。去地二三尺。攤於上曝乾用。【服食】聖化經云。以天門冬茯苓等分爲末。日服方寸匕。則不畏寒。大寒時單衣汗出也。孫真人枕中記云。八九月採天門冬根。曝乾爲末。每服方寸匕。日三服。久服補中益氣。治虛勞絕傷。年老衰損。偏枯不隨。風濕不仁。冷痺惡瘡。癰疽癩疾。鼻柱敗爛者服之。皮脫蟲出。釀酒服。去癥病積聚。風

痰顛狂。三蟲伏尸。除濕痺。輕身益氣。令人不饑。百日還童。耐老。釀酒初熟。微酸。久停則香美。諸酒不及也。
臞仙神隱云。用乾天門冬十斤。杏仁一斤。搗末蜜漬。每服寸匕。名仙人糧。一法。天門冬二斤。熟地黃一斤。爲末。煉蜜丸。彈子大。每服溫酒化三丸。日三服。居山遠行。辟穀良。服至十日。身輕目明。二十日百病愈。顏色如花。三十日髮白更黑。齒落重生。五十日行及奔馬。百日延年。又法。天門冬搗汁。微火煎。取五斗。入白蜜一斗。胡麻炒末二升。合煎。至可丸。卽止火。下大豆黃末。和作餅。徑三寸。厚半寸。一服一餅。日三服。百日以上有益。又法。天門冬末一升。松脂末一升。蠟蜜一升。和煎丸。如梧子大。每日早午晚各服三十九。【天門冬酒】補五臟。調六腑。令人無病。天門冬三十斤。去心搗碎。以水二石。煮汁一石。糯米一斗。細麴十斤。如常炊釀酒熟。日飲三杯。【天門冬膏】去積聚風痰。補肺。療欬嗽。失血。潤五臟。殺三蟲。伏尸。除瘟疫。輕身益氣。令人不饑。以天門冬流水泡過。去皮心。搗爛取汁。砂鍋文武炭火煮。勿令太沸。以十斤爲率。熬至三斤。却入蜜四兩。熬至滴水不散。瓶盛埋土中。一七。去火毒。每日早晚白湯調服一匙。若勤大便。以酒服之。

百部

百部。本草綱目云。其根多者。一名野天門冬。一名婆婦草。山野處處有之。春生苗。作藤蔓。葉大而尖長。頗似竹葉。面青而光。亦有細葉如荷香者。莖青。微嫩時亦可煮食。莖多者五六十。長尖內虛。根數十相連。

似天門冬而苦根長者近尺黃白色鮮時亦肥實乾則虛瘦無脂潤性甘微溫無毒清肺熱潤肺治寒嗽上氣傳尸骨蒸勞瘵殺虻蟲寸白蟻蟲種法與百合同宜山地

【別錄】**原**【修治】凡採得以竹刀劈去心皮花作數十條懸簷下風乾却用酒浸一宿漉出焙乾用或一窠八十三條者號曰地仙苗若修治餌之可千歲也 九真一種最長大懸火上令乾取四五寸切短夜

含嚙汁勿令人知治暴嗽甚良

何首烏

原何首烏一名交藤一名交莖一名夜合一名地精一名赤葛一名瘡帚一名紅內消一名九真藤一名

桃柳藤一名馬肝石一名陳知白一名野苗圖經本草云此藥本名交藤因何首烏服而得名也唐元和七年僧文象遇茅山老人遂傳此事日華本草云其藥本草

無名因何首烏見藤夜交便即採食有功因以採人為名耳李時珍曰馬肝石能治人髮后人隱此名亦曰馬肝石赤者能消腫毒外科呼為瘡帚紅內消斗門方云取根若獲九數者服之乃仙故名九真藤

處處有之以西洛嵩山及栢城縣者為勝有形如鳥獸山川者尤佳春生苗蔓延竹木墻壁間莖紫色葉

葉相對如薯蕷而不光澤夏秋開黃白花如葛勒花結子有稜似蕎麥而雜小纒如粟秋冬取根大者如

拳連珠有赤白二種赤者雄苗色黃白者雌苗色黃赤根遠不過三尺夜則苗蔓相交或隱化不見性

苦澇微溫無毒白者入氣分赤者入血分腎主閉藏肝主疏洩此物氣溫味苦澇苦補腎溫補肝能收斂

精氣所以能養血益肝固精益腎健筋骨烏髭鬚治五痔腰膝之病冷氣心痛積年勞瘦痰癰風虛敗劣

壯氣駐顏。延年益壽。功難盡述。茯苓爲使。忌諸血。無鱗魚。鐵器。犯之令藥無功。此藥不寒不燥。功在地黃。天冬諸藥之上。凡服藥用偶日。二四六八日。服訖。以衣覆汗出。導引尤良。

【彥州詩話】古詩云。上山採交藤。交藤何首烏也。服之令人多欲生子。有采采芣苢之意。 圓

【李遠附錄】何首烏以出南河縣及嶺南恩州韶州潮州廣州潘州四會縣者爲上。邕州桂州康州春州高州勒州循州晉興縣出者次之。眞仙草也。五十年者如拳大。號山奴。服之一年。髮髭青黑。一百年者如椀大。號山哥。服之一年。顏色紅悅。一百五十年者如盆大。號山伯。服之一年。齒落更生。二百年者如斗栲栳大。號山翁。服之一年。顏如童子。行及奔馬。三百年者如三斗栲栳大。號山精。純陽之體。久服成地仙。 【本草綱目】宋懷州知州李治。與一武臣同官。怪其年七十餘而輕健。面如渥丹。能飲食。叩其術。則服何首烏丸也。乃傳其方。後治得病。盛暑中半體無汗。已二年。竊自憂之。造丸服至年餘。汗遂浹體。此藥流傳雖久。服者尙寡。嘉靖初。邵應節眞人以七寶美髯丹方上進。服餌有效。連生皇嗣。於是何首烏之方。天下大行矣。

【尺牘】宋蘇軾與歐陽知晦尺牘。聞公服何首烏。是否此藥。溫厚無毒。李習之傳正爾啖之。無炮製。今人用棗或黑豆之類蒸熟。皆損其力。僕亦服此。但採得陰乾。便杵羅爲末。棗肉或煉蜜爲丸。入木臼中萬杵。乃丸服。極有力無毒。恐未得此法。故以奉白。

【雜著】**園**唐李翱何首烏錄僧文象好養生術元和七年三月十八日朝茅山遇老人於華陽洞口告僧曰汝有仙相吾授汝祕方有何首烏者順州南河縣人祖能嗣本名田兒天生閣嗜酒年五十八因醉夜歸臥野中及醒見田中有藤兩本相遠三尺苗蔓相交久乃解解合三四心異之遂掘根持問村野人無能名曝而乾之有鄉人袁良戲之曰汝闔也汝老無子此藤異而後以合其神藥汝盍餌之田兒乃篩末酒服經七宿忽思人道累旬力輕健慾不制遂娶寡婦曾氏田兒因常餌之七百餘日舊疾皆愈反有少容鄉人異之十年生數男俱號爲藥告田兒曰此交藤也服之可壽百六十歲古方草不載吾傳於師亦得之於南河吾服之遂有子吾本好靜以此藥害於靜因絕不服女偶餌之乃天幸因爲田兒盡記其功而改田兒名能嗣焉嗣年百六十歲乃卒男女一十九人子庭服亦年百六十歲男女三十人子首烏服之年百三十歲男女二十一一人老人言訖遂別去其行如疾風浙東知院殿中孟侍御識何首烏嘗餌其藥言其功如所傳南人因呼爲何首烏焉

贊園無名氏何首烏贊神効勝道著在仙書雌雄相交夜合晝疏服之去穀日居月諸返老還少變安病軀有緣者遇勗爾自如

【五言古詩】**園**宋文同寄何首烏丸與友人此草有奇効嘗聞於習之陵陽亦舊產其地尤所宜翠蔓走巖壁芳叢蔚參差下有根如拳赤白相雄雌斷之高秋後氣味乃不虧斷以苦竹刀蒸曝凡九爲夾羅

下香屑。石蜜相和治。入臼杵萬過。盈盤走纍纍。日進豈厭屢。初若無所滋。漸久覺膚革。鮮潤如凝脂。既已鬚髮換。白者無一絲。耳目固聰明。步履欲走馳。十年親友別。忽見皆生疑。問胡得爾術。容貌曾莫衰。爲之講靈苗。不爲世俗知。蓋以多見賤。蓬蒿同一虧。君如聽予服。此語不敢欺。勿信柳子厚。但誇仙靈毗。

【詩散句】**【**宋梅堯臣**】**試探上陽何首烏。刮切仍致苦竹刀。

【別錄原】**【**修治**】**春夏秋采其根。雌雄並用。乘濕以布拭去土。曝乾。臨時以竹刀切。米泔浸。經宿曝乾。木杵臼搗之。忌鐵器。新採者去皮。銅刀切薄片。入甑內。瓷鍋蒸之。旋以熱水從上淋下。勿令滿溢。候無氣息。取出曝乾用。近時治法。用何首烏赤白各一斤。竹刀刮去麤皮。米泔浸一夜。切片。用黑豆三斗。分九分。每次用一分。以水泡過。砂鍋內鋪豆一層。首烏一層。重重鋪盡蒸之。豆熟取出。去豆。將何首烏曬乾。再以豆蒸。如此九蒸九曬。乃用。

葶藶

【本草綱目**】**葶藶一名赤節。一名百枝。一名竹木。一名白菝葜。蘇頌曰。作蔓生。苗葉俱青。葉作三叉。似山薯。又有綠豆葉。花有黃紅白數種。亦有無花結白子者。根黃白色。多節。三指許大。春秋采根曝乾。今成德軍所產者。根亦如山薯。而體硬。其苗引蔓。葉似蕎麥。子三稜。不拘時月采根。利刀切片曝乾用。氣味苦平無毒。治腰瘡痛。強骨節。風寒濕周痺。惡瘡不瘳。熱氣癩疾。中風。補水臟。堅筋骨。益精明目。

菝葜

【本草綱目】菝葜作蕨一名金剛根。一名鐵菱角。一名王瓜草。菝葜猶菝葜結也。菝葜短也。此草莖蔓強

根。楚人謂之鐵菱角。皆狀其堅而有尖也。鄭樵通志云。其葉頗近土瓜。故名王瓜草。山野中甚多。其莖似蔓而堅強。直生有刺。其葉團大。狀如馬蹄。

光澤似柿葉。秋開黃花。結紅子。其根甚硬。有硬鬚如刺。其葉煎飲酸澀。野人采其根葉入染家用。氣味甘

酸平無毒。治腰背寒痛。風痺。益血氣。治時疾。瘧瘴。消渴。肝經風虛。

【五言古詩】宋張耒菝葜。江鄉有奇蔬。本草寄菝葜。驅風利頑痺。解疫補體節。春深土膏肥。紫

筍迸土裂。烹之芼薑橘。盡取無可掇。應同玉井蓮。已過苗頭苗。異時中州去。買子攜根撥。免令食蔬人。區

區羨薇蕨。

土茯苓

【本草綱目】土茯苓一名土草薺。一名刺猪苓。一名山猪糞。一名草禹餘糧。一名仙遺糧。一名冷飯團。

一名硬飯。一名山地栗。按陶弘景注禹餘糧云。南中平澤有一種藤根作塊。有節似菝葜。而色赤。味如薯

餘糧。蘇頌圖經刺猪苓皆此物。土茯苓刺猪苓山地栗皆象形也。俗又名過岡龍。蔓生如蕒。莖有細點。其葉不對。狀頗類大竹葉。而質厚滑。如瑞

香葉而長五六寸。其根狀如菝葜而圓。其大若雞鴨子。連綴而生。遠者離尺許。近或數寸。其內軟。可生啖。

有赤白二種。入藥用白者良。氣味甘。淡平無毒。食之當穀不饑。調中止洩。健行不睡。健脾胃。強筋骨。去風

濕利關節。止泄瀉。治拘攣骨痛。惡瘡癰腫。解汞粉銀朱毒。

白斂

【本草綱目】白斂一名白草。一名白根。一名兔核。一名貓兒卵。一名崑崙。寇宗奭曰。斂瘡方多用之。故卵皆象形也。崑崙言其皮黑也。蘇頌曰。二月生苗。多在林中作蔓。赤莖。葉如小桑。五月開花。七月結實。根如雞鴨卵而長。三五枚同一窠。皮黑肉白。一種赤斂。花實功用皆同。但表裏俱赤。氣味苦平無毒。治癰腫疽瘡。散結氣。止痛除熱。目中赤。小兒驚癇。溫瘧。殺火毒。刀箭瘡。撲損。解狼毒毒。

女萎

【唐本草】女萎葉似白斂。蔓生。花白子細。亦名蔓楚。氣味辛溫無毒。治風寒霍亂。洩痢腸鳴。遊氣。上下無常。驚癇。寒熱。百病出汗。

赭魁

【本草綱目】赭魁。其根如魁。有汁如赭。故名魁。乃酒器名。韓保昇曰。苗蔓延生。葉似蘿摩。根若菝葜。皮紫黑。肉黃赤。大者輪如升。小者如拳。李時珍曰。按沈括筆談云。今南中極多。膚黑肌赤。似何首烏。切破。中有赤理如檳榔。有汁赤如赭。彼人以染皮製靴。閩人謂之餘糧。氣味甘平無毒。治心腹積聚。除三蟲。

鵝抱

【圖經本草】鵝抱生宜州山林下。附石而生。作蔓似大豆。其根形似萊菔。大者如三升器。小者如拳。氣味苦寒無毒。治風熱上壅。咽喉腫痛。及解蠻箭藥毒。亦消風熱結毒。

伏雞子

【本草拾遺】伏雞子根一名承露仙。蔓延生。葉圓薄似錢。根似鳥形者良。氣味苦寒無毒。解百藥氣。治諸熱煩悶。急黃。天行黃疸。瘡癤。中惡。寒熱頭痛。疽瘡。馬黃牛瘡。亦傳癰腫。

附錄 仰盆

【本草拾遺】仰盆苗似承露仙。根圓如仰盆。狀大如雞卵。味辛溫有小毒。治蠱毒飛尸。喉痺。磨傅皮膚惡腫。

附錄 人肝藤

【本草拾遺】人肝藤引蔓而生。葉有三極。花紫色。與伏雞子同名承露仙。而伏雞子葉圓。解諸藥毒。遊風手脚軟痺。

九仙子

【本草綱目】九仙子一名仙女嬌。一根連綴九枚。大者如雞子。小者如半夏。白色。二月生苗。蔓高六七尺。莖細而光。葉如烏桕葉。而短扁不圓。每葉極生子枝。或一或二。裊裊下垂。六七月開碎青黃色花。隨即

結實。碎子叢簇如穀精草子狀。九月采根。氣味苦涼無毒。治咽痛喉痺散血。

山豆根

【本草綱目】山豆根一名解毒。一名黃結。一名中藥。其蔓如大豆。因以爲名。蘇頌曰。苗蔓如豆葉青。經冬不凋。八

月采根。廣南者如小槐。高尺餘。氣味甘寒無毒。解諸藥毒。止痛消瘡腫毒。發熱欬嗽。治人及馬急黃。殺小蟲。解咽喉腫毒。治腹脹喘滿。女人血氣腹脹。又下寸白諸蟲。止下痢。卒患熱厥。心腹痛。五種痔痛。研汁塗諸熱腫禿瘡。蛇狗蜘蛛傷。

黃藥子

【本草綱目】黃藥子一名木藥子。一名大苦。一名赤藥。一名紅藥子。按沈括筆談云。本草注引郭璞注。爾雅云。鹽大苦者。云卽甘草也。蔓

生葉似薄荷而色青黃莖赤有節節有枝相當。此乃黃藥也。其味極苦。故曰大苦非甘草也。今處處人栽之。其莖高二三尺。柔而有節似藤。葉大如拳。長三寸許。其根長者尺許。大者圍二三寸。外褐內黃。亦有黃赤色者。肉色頗似羊蹄根。冬枯春生。開碎花無實。氣味苦平無毒。治諸惡腫瘡癩。喉痺。蛇犬咬毒。涼血降火。消癭解毒。

解毒子

【圖經本草】解毒子一名地不容。出戎州。蔓生。葉青如杏葉而大。厚硬。凌冬不凋。無花實。根黃白色。外皮微蠹褐。纍纍相連如藥實而圓大。采無時。又開州興元府出苦藥子。大抵與黃藥相類。春采根暴乾。亦

入馬藥用。氣味苦。大寒無毒。解蠱毒。止煩熱。辟瘴癘。利喉閉及痰毒。治五臟邪氣。清肺壓熱。消痰降火。利咽喉。退目赤。

附錄 奴會子

【海藥本草】奴會子生西國諸戎。大小如苦藥子。味辛平無毒。主小兒冷疳。虛渴。脫肛。骨立瘦損。

附錄 海藥實

【本草綱目】海藥實一名連木。蘇恭曰。蕃名那蔬。樹生。葉似杏花。紅白色。子肉味酸。李時珍曰。此藥子似黃藥苦藥子。而稍有不同。二藥子不結子。此則樹之子也。去皮取中仁用。味辛溫無毒。治邪氣諸痺。酸。續純傷。補骨髓。破血。止痢消腫。除蠱疰蛇毒。

白藥子

【本草綱目】蘇恭曰。白藥子三月生。苗葉似苦苣。四月抽赤莖。長似壺盧蔓。六月開白花。八月結子。亦名瓜瓠。九月葉落枝折。根皮黃色。氣味辛溫無毒。治金瘡。生肌。消腫毒。喉痺。消痰止嗽。治渴。并吐血喉痺。咽痛。解野葛生金巴豆藥毒。傅刀斧折傷。能止血痛。散血降火。消痰解毒。

附錄 陳家白藥

【嶺表錄】陳家白藥善解毒。封州康州有種之者。廣府每歲充土貢。【本草綱目】陳家白藥出蒼梧。

陳家蔓及根並似土瓜。葉如錢。根似防己。緊小者良。味苦寒無毒。主解諸藥毒。亦去心胸煩熱。天行瘟疫。

附錄 甘家白藥

【本草拾遺】甘家白藥出龔州以南。生陰處。葉似車前。根如半夏。其汁飲之如蜜。味苦。大寒。有小毒。解諸藥毒。與陳家白藥功相似。

附錄 會州白藥

【本草拾遺】會州白藥葉如白斂。傅金瘡。生膚止血。

附錄 衝洞根

【海藥本草】衝洞根苗蔓如土瓜。根亦相似。【本草拾遺】衝洞根味苦平無毒。主熱毒。蛇犬蟲癰瘡等毒。

附錄 突厥白

【開寶本草】突厥白根黃白色。狀似茯苓而虛軟。苗高三四尺。春夏葉如薄荷。花似牽牛而紫。上有白凌。二八月采根。味苦。治金瘡。生血止血。補腰續筋。

威靈仙

【本草綱目】威靈仙。威言其性猛也。靈言其功神也。蘇頌曰。陝西及河東河北汴東江湖州郡皆有之。初生作蔓。莖

如釵股。七月內生花六出。淺紫或碧白色。作穗似莆薑子。亦有似菊花頭者。實青色。根稠密。多鬚似穀。李時珍曰。其根每年旁引。年深轉茂。一根叢鬚數百條。長者二尺許。初時黃黑色。乾則深黑。俗稱鐵脚威靈仙。別有數種。根鬚皆一樣。色或黃或白。皆不可用。氣味苦溫無毒。治諸風。宣通五臟。去腹內冷滯。心膈痰水。久積。瘕癥。疥癬。氣塊。腰膝疼。療折傷。散風邪。久服無有溫瘧疾。

【圖經本草】唐貞元中。周君巢作威靈仙傳云。商州有人病手足不遂。不履地者數十年。良醫殫技。莫能療。所親置之道旁。以求救者。遇一新羅僧。見之。告曰。此疾一藥可活。但不知此土有否。因爲之入山。求索果得。乃威靈仙也。使服之。數日能步履。山人鄧思齊知之。遂傳其事。

【志林】服威靈仙有二法。其一淨洗陰乾。搗羅爲末。酒浸牛膝末。或蜜丸。或爲散。酒調。牛膝之多少。視臟腑之虛實。而增減之。此眉山一親知患脚氣至重。依此服半年。遂永除。其一法。取此藥。麤細得中者。寸截之。七十寸作一貼。每歲作三百六十貼。置牀頭。五更初。面東細嚼一貼。候津液滿口。嚥下。此牢山一僧。年百餘歲。上下山如飛。云得此藥方。二法皆以得真爲要。真者有五驗。一味極苦。二色深翠。三折之脆而不韌。四折之有微塵。如胡黃連狀。五斷處有白暈。謂之鳩鵲眼。無此五驗。則藁本根之細者耳。又須忌茶。以槐角皂角牙之嫩者。依造草茶法作。或只取外臺祕要代茶飲。子方常合服乃可。

【本草綱目】陳藏器曰。翦草生山澤間。葉如茗而細。李時珍曰。狀如茜草。又如細辛。氣味苦涼無毒。治諸惡瘡。疥癬。風瘙。癭蝕。有蟲。一切失血。

防己

【本草綱目】防己一名解離。一名石解。李杲云。防己如險健之人。幸災樂禍。能首爲亂階。若善用之。亦可禦敵。其名或取此義。解離因其絞解也。蘇頌曰。漢中出者破之。文作車輻解。黃實而香。莖梗甚嫩。苗葉小類牽牛。折其莖一頭吹之。氣從中貫如木通然。他處者青白虛軟。又有腥氣皮皺。上有丁足子。名木防己。氣味辛平無毒。治風寒溫瘧。熱氣諸癩。除邪。療水腫。風腫。去膀胱熱傷。寒熱邪氣。中風。手腳攣急。通腠理。利九竅。止洩。散癰腫。惡結。諸癘疥癬。蟲瘡。散留痰。肺氣喘嗽。木防己治男子肢節中風。毒風不語。散結氣。擁腫。溫瘧。風水腫。去膀胱熱。

木通

【本草綱目】通草一名木通。其莖中通。故名通草。即今所謂木通。今之通草乃通脫木也。一名附支。一名丁翁。一名萬年藤。子名燕覆。蘇恭曰。南人謂爲燕覆子。或名烏覆子。陳藏器云。江東人呼爲畜當子。江西人呼爲擊子。陶弘景曰。遶樹藤生。汁白。莖有細孔。兩頭皆通。含一頭吹之。則氣出彼頭者良。蘇頌曰。蔓大如指。其莖榦大者。徑三寸。一枝五葉。頗類石韋。又似芍藥。二葉相對。夏秋開紫花。亦有白花者。結實如小木瓜。食之甘美。即陳士良本草所謂椴椹子也。李時珍曰。有紫白二色。紫者皮厚味辛。白者皮薄味淡。治除脾胃寒熱。通利九竅。血脉關節。令人不忘。去惡蟲。療脾疽。噦噫。散癰。

腫瘡諸結不消。及金瘡惡瘡。鼠瘻。踠折。鼷鼻。息肉。利諸經脈。寒熱不通之氣。理風熱。安心除煩。止渴退熱。明耳目。下水排膿。止痛催生。下胞。治天行時疾。頭痛目眩。羸劣。乳結。喉痺。咽痛。導小腸火。

通脫木

【爾雅】離南活莢。【注】草生江南。高丈許。大葉。莖中有瓢。正白。零陵人植。日貫之為樹。【本草綱目】

通脫木一名通草。蘇頌曰。爾雅活莢。即通脫也。山海經名寇脫。又名倚岡。李杲曰。能通竅利水。固有通草之名。與木通同功。陳嘉謨曰。白瓢中藏脫木得之。故名通脫。陳藏器曰。生

山側。葉似蓖麻。其莖空心。中有白瓢。輕白可愛。女人取以飾物。俗名通草。蘇頌曰。今園圃有種蒔者。或作

蜜煎充果。食之甘美。氣味甘淡。寒無毒。利陰竅。治五淋。除水腫癰閉。瀉肺。解諸毒蟲痛。明目退熱。下乳催

生。花上粉。治諸蟲瘻。惡瘡。痔疾。瘰癧。及胸中伏氣。攻胃咽。

【山海經】升山其草多寇脫。【注】寇脫草生南方。高丈許。似荷葉。而莖中有瓢。正白。零桂人植而

日灌之。以為樹也。熊山下其草多寇脫。

附錄 天壽根

【圖經本草】天壽根出台州。每歲土貢。其性涼。治胸膈煩熱。

金銀藤

原金銀藤一名忍冬。一名通靈草。一名鴛鴦藤。一名左纏藤。一名蜜桶藤。一名鴛鴦藤。一名老翁鬚。一名

金釵股。本草注云。凌冬不凋。故名。忍冬。綱目云。其花長瓣。垂鬚。黃白相間。而藤左纏。故有金處處有之。附銀諸名。金釵股。貴其功也。上宿真君云。蜜插藤。取汁。能伏硫制汞。故有通靈之稱。

樹延蔓。莖微紫色。有薄皮膜之。其嫩莖色青。有毛。對節生葉。葉如薜荔而青。有濇毛。三四月後開花。不絕。花長寸許。一帶兩花。二瓣。一大一小。長蕊初開者。蕊瓣俱白。經三二日。則變黃。新舊相參。黃白相映。故呼金銀花。氣甚清芬。四月采花。藤葉不拘時。采俱陰乾。氣味甘寒。無毒。功用皆同。治風除脹。解痢。逐尸。消腫。散毒。療癰疽。疥癬。發背。楊梅諸惡瘡。皆爲要藥。

【異錄】五言古詩【贈】金段克己同封仲堅采鷺鷥藤因而成詠寄家弟誠之。有藤名鷺鷥。天生匪人育。金花間銀蕊。翠蔓自成簇。褰裳涉春溪。采之漸盈掬。藥物時所需。非爲事口腹。牛溲與馬渤。良醫猶並蓄。況此香色奇。兩通鼻與目。尤喜療瘡瘍。先賢講之熟。世俗不知愛。棄置在空谷。作詩與題評。使異凡草木。【段成己和鷺鷥藤詩并序】吾兄同仲堅采鷺鷥藤於午芹之東溪。因詠詩見示。前代詩人未嘗聞賦此者。此花長於田野。籬落間。人視之與草芥無異。是詩一出。好事者將知所貴矣。感歎之餘。敬次其韻。有與我同志繼而述之。不亦懿乎。微雨灑郊坰。百卉欣並育。幽花發溪側。間錯金珠簇。徐看是鷺藤。香味濃可掬。忍饑出新句。大笑負此腹。遺落榛莽間。采擷誰見蓄。情知無俗姿。安能悅衆目。先生日來往。東溪路應熟。一經品題餘。名字耀巖谷。遇合良有時。不才異山木。

鈎藤

【本草綱目】鈎藤。陶弘景曰：出建平，亦作甲藤。李時珍曰：寇宗奭曰：藤長八九尺，或一二丈，大如莓指。其中空。李時珍曰：狀如葡萄藤，而有鈎，紫色。古方多用皮，後世多用鈎。氣味甘，微寒無毒。治小兒寒熱，十二驚癇。小兒驚啼，瘵癘熱，擁客忤胎風，大人頭旋目眩，平肝風，除心熱。小兒內鈎腹痛發斑疹。

附錄 倒掛藤

【本草拾遺】倒掛藤。生深山，有逆刺如懸鈎，倒掛於樹，葉尖而長，味苦無毒。主一切老血，及產後諸疾，結痛，血上欲死，煮汁服之。

白兔藿

【本草綱目】白兔藿。蘇恭曰：山南人謂之白葛。苗似蘿摩，圓厚，莖有白毛，與衆草異。韓保昇曰：蔓生，葉圓似蕁，五月六月苗采。氣味苦平無毒。治蛇虺蜂蠶獾狗菜肉蠱毒。鬼疰風疰諸大毒。

白英

【本草綱目】白英一名穀菜，一名白幕，一名排風。子名鬼目。白英謂其花色，穀菜象其葉文，排風言其功用，鬼目象其子形。蘇恭曰：蔓生，葉似王瓜，小長而五極，實圓似龍葵。子生青，熟紫黑。東人謂之白草。李時珍曰：正月生苗，白色可食。秋開小白花，根苗氣味甘寒無毒。治寒熱八疽，消渴，補中益氣。久服輕身延年。葉作羹飲，甚療勞煩熱風，癰丹毒，瘡癤寒熱。小兒結熱，子酸平無毒。主明目。

芄蘭

【爾雅】芄芄蘭。【注】芄芄蔓生。斷之有白汁可啖。【陸璣詩疏】芄蘭一名蘿摩。幽州人謂之雀瓢。

【本草綱目】蘿摩一名白環藤。實名雀瓢。一名斫合子。一名羊婆奶。一名婆婆鍼線包。陳藏器曰：漢高帝

故名斫合子。李時珍曰：白環即芄字之訛。其實嫩時有漿裂時如瓢。故有雀瓢羊婆奶之稱。其中一子有一條白絨長二寸許。故俗呼婆婆鍼線包。又名婆婆鍼袋兒也。陶弘景曰：蘿摩作藤。

生摘之有白乳汁。人家多種之。葉厚而大。可生啖。亦蒸食之。李時珍曰：三月生苗。蔓延籬垣。極易繁衍。

其根白軟。其葉長而後大前尖。根與莖葉斷之。皆有白乳如構汁。六七月開小長花。如鈴狀。紫白色。結實

長二三寸。大如馬兜鈴。一頭尖。其殼青軟。中有白絨及漿。霜後枯裂。則子飛。其子輕薄。亦如兜鈴子。氣味

甘辛溫無毒。治虛勞。補益精氣。強陰。葉煮食功同。子擣子傅金瘡。生膚止血。搗葉傅腫毒。取汁傅丹毒。赤

腫及蛇蟲毒。

【詩衛風】芄蘭之支。

赤地利

【本草綱目】赤地利一名赤薜荔。一名五毒草。一名五葢。一名蛇苺。一名山蕎麥。蘇頌曰：春夏生苗。作

蔓繞草木上。莖赤葉青似蕎麥。葉七月開白花。亦如蕎麥。結子青色。根若菝葜。皮紫赤。肉黃赤。八月采根。

曬乾收。氣味苦平無毒。治赤白冷熱諸痢。斷血破血。生肌肉。主癰疽惡瘡毒腫。赤白遊癩。醋磨。傅蟲蠶蛇

犬咬亦擣莖葉傳之恐毒入腹煮汁飲

紫葛

【圖】唐本草紫葛生山谷中苗似葡萄長丈許根紫色大者徑二三寸氣味甘苦寒無毒主傳癰腫惡瘡

烏蘇莓

【圖】爾雅拔龍葛【注】似葛蔓生有節江東呼為龍尾亦謂之虎葛細葉赤莖【本草綱目】烏蘇莓一

名五葉莓一名龍草一名赤葛一名五爪龍一名赤潑藤即爾雅拔龍葛也五葉如白蘇故曰烏蘇俗名

及拔音相近蘇恭曰蔓生平澤葉似白蘇韓保昇曰莖端五葉開花青白色李時珍曰其藤柔而有稜一枝一

鬚凡五葉葉長而光有疎齒面青背淡七八月結苞成簇青白色花大如粟黃色四出結實大如龍葵子

生青熟紫內有細子其根白色大者如指長一二尺擣之多涎滑氣味酸苦寒無毒傳癰瘡腫蟲咬風

毒熱腫遊丹涼血解毒利小便消癰腫

葎草

【圖】本草綱目葎草一名勒草一名葛勒蔓一名來莓草此草莖有細刺善勒人膚故名勒草二月生苗

莖有細刺葉對節生一葉五尖微似蓖麻而有細齒八九月開細紫花成簇結子狀如黃麻子氣味甘苦

寒無毒治瘀血止精益盛氣療五淋利小便止水痢除瘧虛熱渴治傷寒汗後虛熱疥癩潤三焦消五穀

益五臟除九蟲辟温疫傳蛇蠍傷

澤瀉

【爾雅】漭蔦【注】今澤蔦【疏】卽藥草澤瀉也。本草一名水瀉一名及瀉一名芒芋一名鵠瀉。【本草綱目】澤瀉一名禹孫。去水曰瀉如澤水之瀉也禹能治水故名禹孫蘇頌曰山東河陝江淮皆有之漢中者爲佳春生苗多在淺水中葉似牛舌獨莖而長秋時開白花作叢似穀精草秋末采根曝乾氣味甘寒無毒治風寒濕痺乳癰養五臟益氣力肥健消水治痞滿五淋消腫脹滲洩止渴滲濕熱行痰飲止嘔吐瀉痢。

羊蹄

【陸璣詩疏】遂牛糞揚州謂之羊蹄似蘆蔽而莖赤可淪爲茹滑而美也多啖令人下氣幽州人謂之遂。【本草綱目】羊蹄一名蓄一名秃菜一名敗毒菜一名牛舌菜一名羊蹄大黃一名鬼目一名東方宿一名連蟲陸一名水黃芹子名金蕎麥。陶弘景曰今人呼爲秃菜卽蓄字音訛也李時珍曰羊蹄以根近水及濕地極多葉長尺餘似牛舌之形不似波稜入夏起臺開花結子花葉一色夏至卽枯秋深卽生凌冬不死根長近尺赤黃色如大黃胡蘿蔔形氣味苦寒無毒治頭秃疥癩浸淫疽痔腫毒殺蟲療蠱毒治癬殺一切蟲治產後風祕葉甘滑寒無毒治小兒疳蟲腸痔瀉血殺河豚魚毒作菜多食滑大腑。

酸模

【增】爾雅須薺蕪【注】薺蕪似羊蹄葉細酢可食【本草綱目】酸模一名山羊蹄一名山大黃一名酸母一名蔘一名當藥即爾雅薺蕪也薺蕪乃酸模之音轉酸模又酸母之轉皆以味而名與三葉酸母草同名掌禹錫以薺蕪為蔓菁菜誤矣大明曰狀似羊蹄葉而小黃莖葉俱細節間生子若荳蔚李時珍曰根葉花形並同羊蹄但葉小味酸為異其根赤黃色連根葉取汁煉霜可制雄汞氣味酸寒無毒治暴熱腹脹殺皮膚小蟲治疥療痢去汗斑

龍舌草

【增】本草綱目龍舌葉如大葉菘菜及芣苢狀根生水底抽莖出水開白花根似胡蘿蔔根而香杵汁能軟鵝鴨卵方家用煮丹砂煨白礬制三黃氣味甘鹹寒無毒搗塗癰疽湯火灼傷

附錄 麿舌

【增】名醫別錄麿舌生小水中五月采之味辛微溫無毒治霍亂腹痛吐逆心煩

苦草

【增】本草綱目苦草生湖澤中長二三尺狀如茅蒲之類治婦人白帶及好嗜乾茶不已面黃無力

石斛

【增】本草綱目石斛一名石薺一名金釵一名禁生一名林蘭一名杜蘭石斛石薺未詳其莖狀如金釵之股故古有金釵石斛之稱今蜀人栽之呼為金釵花林蘭杜蘭與木部木蘭同名恐誤蘇恭曰有二種一種似大麥累累相連頭生一葉而性冷名麥斛一種莖大

如雀髀。葉在莖頭。名雀髀斛。其他斛如竹。而節間生葉也。蘇頌曰。多在山谷中。五月生苗。莖似小竹節。節間出碎葉。七月開花。十月結實。其根細長。黃色。惟生石上者爲勝。李時珍曰。石斛叢生石上。其根糾結甚繁。乾則白軟。其莖葉生皆青色。乾則黃色。開紅花。節上自生根鬚。人亦折下。以砂石栽之。或以物盛。挂屋下。頻澆以水。經年不死。俗稱爲千年潤。石斛短而中實。木斛長而中虛。處處有之。以蜀中者爲勝。氣味甘平。無毒。治傷中。除痺下氣。補五臟虛勞羸瘦。久服厚腸胃。補內絕不足。平胃氣。長肌肉。逐皮膚邪熱。痲氣。脚膝疼冷痺弱。定志除驚。輕身延年。益智清氣。

骨碎補

【本草綱目】骨碎補一名猴薑。一名胡猴薑。一名石毛薑。一名石菴藎。

陳藏器曰。骨碎補本名猴薑。開元皇帝以其主傷折補骨碎。故

命此名。或作骨碎布訛矣。江西人呼爲胡猴薑。象形也。李時珍曰。菴藎主折傷破血。此物功同。故有菴藎之名。蘇頌曰。淮浙陝西夔路州郡皆有之。生木或石上。多在背陰處。引根成條。上有黃赤毛。及短葉附之。抽大葉成枝。葉面青綠。有青黃點。背青白色。有赤紫點。春生葉。至冬乾黃。無花實。采根入藥。李時珍曰。其根扁長。略似薑形。其葉有極缺。頗似貫衆葉。氣味苦溫。無毒。破血止血。補傷折骨。中毒氣。風血疼痛。五勞惡疾。蝕爛肉。殺蟲。

石韋

【本草綱目】石韋一名石韠。一名石皮。一名石蘭。

陶弘景曰。蔓延石上。生葉如皮。故名。蘇恭曰。此物叢

生石旁陰處。其生古瓦屋上者名瓦韋。蘇頌曰。今晉絳潞海福州江寧皆有之。叢生石上。葉如柳。背有毛。而斑點如皮。福州別有一種石皮。三月有毛。采作浴湯。治風。李時珍曰。多生陰崖險罅處。其葉長者近尺。濶寸餘。柔韌如皮。背有黃毛。凌冬不凋。又一種如杏葉者。亦生石上。其性相同。氣味辛平無毒。治勞熱邪氣。五癰閉不通。利小便水道。止煩下氣。通膀胱滿。補五勞。安五臟。去惡風。益精氣。治淋瀝發背。主崩漏金瘡。清肺氣。

石莧

【圖經本草】石莧生筠州。多附河岸沙石上。春生苗莖青。高一尺以來。葉如水柳而短。八九月土人采之。氣味辛苦有小毒。同甘草煎服。主齕胎。又吐風涎。

附錄 石垂

【圖經本草】石垂生福州山中。三月花。四月采子。生擣爲末丸服。治蠱毒。

景天

【圖經本草】一名慎火。本草注云。裁之可救火。故曰慎火。一名戒火。一名護火。一名辟火。一名救火。一名火母。人多種於石山上。二月生。苗脆。莖微帶赤黃色。高一二尺。折之有汁。葉淡綠色。光澤柔厚。狀似長匙頭。及胡豆葉而不尖。夏開小白花。結實如連翹而小。中有黑子如粟粒。其葉味苦平無毒。治大熱火瘡。諸蠱寒熱。療金瘡。止血除熱。

狂赤眼頭痛寒熱游風可煨硃砂苗葉花並可用葉煮熟水淘可食南北皆有人家多種於中庭或盆栽置屋上以防火極易生折枝置土中澆灌旬日便活。

【南越志】廣州有樹可以禦火山北謂之慎火或謂之戒火多種屋上以防火也南中無霜雪故成樹。【倦遊錄】慎火卽龍骨樹也。

【五言古詩】梁范筠詠慎花草。茲卉信叢叢微榮未足奇。何期糝香草遂得遶花池。忘憂雖無用止燄或有施。早得建章立幸燕栢梁垂。

【五言絕句】宋王十朋慎花草。禁殿安蚩尾騷人逐畢方。何如栽此草有火自能妨。

石胡荽

【本草綱目】石胡荽一名天胡荽一名野園荽一名鵝不食草一名雞腸草生石縫及陰濕處小草也高二三寸冬月生苗細莖小葉形狀宛如嫩胡荽其氣辛薰不堪食鵝亦不食之夏開細花黃色結細子極易繁衍僻地則鋪滿也氣味辛寒無毒通鼻氣利九竅吐風痰去目翳療痔病解毒明目治耳聾頭痛腦酸痰瘡齁胎鼻塞不通散瘡腫。

螺髻草

【本草拾遺】螺髻草一名鏡面草蔓生石上葉狀似螺髻微帶赤色而光如鏡背有少毛小草也味辛。

治癰腫風疹脚氣腫

酢漿草

【本草綱目】酢漿草一名酸漿。一名三葉酸。一名三角酸。一名酸母。一名醋母。一名酸箕。一名鳩酸。一名雀兒酸。一名雀林草。一名小酸茅。一名赤孫施。此小草三葉酸也。其味如醋。與燈籠草之酸。漿名同物異。鄭樵通志言福人謂之孫施。李時珍曰。苗高一二寸。叢生布地。極易繁衍。一枝三葉。一葉兩片。至晚自合帖。整整如一。四月開小黃花。結小角。長一二分。內有細子。冬亦不凋。方士采制砂汞礪礞石。氣味酸寒無毒。殺諸小蟲。治惡瘡。癩癭諸淋。赤白帶。塗湯火蛇蝎傷。

附錄 酸草

【名醫別錄】酸草生名山醴泉上陰厓。莖有五葉青澤。根赤黃。可以消玉。一名醜草。主輕身延年。

附錄 三葉

【名醫別錄】三葉生田中。莖小黑白。高三尺。根黑。三月采陰乾。一名三石。一名當田。一名赴魚。味辛。治寒熱。蛇蜂螫人。

地錦

【本草綱目】地錦一名地朕。一名地噤。一名夜光。一名承夜。一名草血竭。一名血見愁。一名血風草。一

名馬蠃草。一名雀兒臥單。一名醬瓣草。一名糊猴頭草。赤莖布地。故曰地錦。專治血病。故俗稱爲血竭。血

糊猴頭象花葉形也。掌禹錫曰：莖葉細弱，蔓延於地，莖赤，葉青紫色。夏中茂盛，六月開紅花，結細實。取苗子用之。李

時珍曰：田野寺院及階砌間皆有之。就地而生，赤莖黃花黑實，狀如蒺藜之朶，斷莖有汁。方士秋月采煮

雌雄丹砂硫黃，氣味辛平無毒，通流血脉，治癰腫惡瘡，金刃撲損出血，血痢，下血崩中，能散血止血。

附錄 金瘡小草

【圖】本草拾遺：金瘡小草生江南村落田野間下濕地，高一二寸許，如薺而葉短，春夏間有淺紫花，長一
粳米許，味甘平無毒，主金瘡止血長肌，斷鼻中衄血，血瘀及卒下血。

崖樓

【圖】經本草：崖樓生施州石崖上，苗高一尺以來，其狀如樓，四季有葉無花，土人采根，去麤皮入藥，氣
味甘辛，溫無毒，治婦人血氣，並五勞七傷，同雞翁藤，半天回，野蘭根，洗焙爲末，溫酒服。

附錄 雞翁藤

【圖】經本草：雞翁藤生施州，蔓延大木上，有葉無花，味辛，性溫無毒，采無時。

附錄 半天回

【圖】經本草：半天回生施州，春生苗高二尺以來，赤斑色，至冬苗枯，土人夏月采根，味苦澀，性溫無毒。

附
錄 野 蘭 根

【圖經本草】野蘭根生施州。叢生。高二尺以來。四時有葉無花。其根味微苦。性溫無毒。采無時。

紫背金盤

【本草綱目】蘇頌曰。紫背金盤生施州。苗高一尺以來。葉背紫無花。土人采根用。李時珍曰。湖湘水石處皆有之。名金盤藤。似醋筒草。而葉小。背微紫。軟莖引蔓似黃絲。搓之即斷。無汁可見。方士用以制汞。他處少有。氣味辛濇。熱無毒。治婦人血氣痛。孕婦勿服。能消胎氣。

附
錄 醋 筒 草

【本草綱目】醋筒草葉似木芙蓉而偏。莖空而脆。味酸。開白花。廣人以鹽醋淹食之。

白 龍 鬚

【本草綱目】白龍鬚生近水旁。有石處。寄生搜風樹節。乃樹之餘精也。細如縷絲。直起無枝葉。最難得。真者一種萬纏草。生於白線樹根。細絲相類。但有枝莖稍麤為異。氣味平無毒。治男子婦人風濕腰腿疼。痛。左癱右瘓。口目喎斜。及產後氣血流散。惟虛勞癱痿不可服。

馬 勃

【本草綱目】馬勃一名馬疔。一名馬竄。一名灰菰。一名牛屎菰。陶弘景曰。紫色虛軟。狀如狗肝。彈之粉

出寇宗奭曰。生濕地及腐木上。夏秋采之。有大如斗者。小亦如升杓。氣味辛平無毒。治惡瘡馬疥。傳諸瘡。治喉痺咽疼。清肺散血熱解毒。

